


第三
清獻詩鈔
宛陵詩鈔

柳田文庫
文庫11
D 156
3





文獻 11
D156
3

清獻詩鈔

六

趙抃字閱道衢之西安人中景祐元年進士乙科通判
宜州以母喪廬墓三年孫處為作孝子傳召為殿中侍
御史京師號鐵面御史進叅知政事已而求郡旋召旋
罷英宗朝除龍圖閣直學士知成都蜀益治神宗初召
知諫院曰聞卿匹馬入蜀以一琴一龜自隨為政簡易
亦稱是耶既與王安石議政不協求去除資政殿學士
出外改越州致仕尋卒贈太子少師謚清獻詩觸口而
成工拙隨意而清蒼鬱律之氣出於肺肝然其學多本
于佛與濂溪為僚而不知改故亦不能卓然有所發揮
也

題周敦頤濂溪書堂

清獻詩鈔

010190554053

48-1217b

吾聞上下泉。終與江海會。高哉廬阜間。出處濂溪派。清深
遠城市。潔淨去塵壘。毫髮難遁形。鬼神縮妖怪。對臨開軒
窓。勝絕甚圖繪。固無風波虞。但覺耳目快。琴樽日左右。一
堂不爲泰。經史日枕藉。一室不爲隘。有尊足以羹。有魚足
以鱠。飲啜其樂真。靜正於俗邁。主人心淵然。澄徹一內外。
本源孕清德。游詠吐嘉話。何當結良朋。講習取諸覓。

次韻江鉞都官涼軒

執已剛玉性。誰得同趣向。弟唾無所藉。歸居宅淡曠。左右
山林間。噴屹立屏障。坐期清風來。未許酷日晃。高棚立西
軒。密葉覆其上。益爲晚守澄。詎隔霞空望。聖書樂名教。俗
事絕塵鞅。恬然寵辱驚。足矣庭闈養。下榻遲佳朋。盈樽倒
新釀。藥劑矜有靈。神明助無恙。賢豪重處詞。大奔放。

謂愚可與道。緘遺俾酬倡。忽如窮窘人。獲發金玉藏。收儲
篋笥光。孰顧貪怵誦。

留題劔門東園

劔州古要害。重門益開闔。隄防兩川地。喉吭此呀呷。在昔
禦狂寇。如朽施巨拉。時平付良守。一與公論合。政成治東
圃。於焉解賓榻。予方錦官去。邀我置壺榼。縱步車馬休。舉
目蒼翠匝。攄懷談笑喧。傾車潺湲雜。不春亦芳菲。匪風自
蕭颯。主賓飲興豪。量海川酒納。貳車臺中舊。題詩謂予盍。
默默極佳趣。茲俗何以答。

雙竹

余家有故園。園中可圖鏤。天然一派根。一根生兩竹。一長
復一短。比之如手足。長者似乃兄。短者弟相逐。我見人弟

兄少有相和睦。竹分長幼情。人豈無尊宿。將竹比人心。人
殆類禽畜。常記五六歲。不見還啼哭。及至長大時。妻孥相
親族。咫尺不相見。相疎何太速。不顧父母生。同胞又同腹。
旦夕慕歌歡。幾能思骨肉。枉安人鬚眉。而食天五穀。靜思
若斯人。爭及園中竹。

寄酬蔡州王陶正言

自顧愚無堪。老大何所用。得郡江湖來。一意雲泉縱。驚此
西南身。連夕東北夢。乃知故人念。許與明月共。荆書一紙
賢。季諾千金重。寄我瓊瑤篇。使得長諷誦。寒松有唳鶴。高
梧有鳴鳳。何日謝知音。爲鼓商絃弄。

贈陽安除邁表兄屯田

少時所學苦食葉。日自強壯歲從宦。海飲水中剛腸。陽安

百里地。邈在天一方。惠政不鞭朴。期民學耕桑。念予昨守
穎。與兄會家鄉。兄今歲已滿。余遠提蜀疆。一朝此邂逅。五
載忘參商。且勿語離索。易老驚鬢霜。且勿較通塞。放懷把
酒觴。上方聖政新。求賢坐明堂。兄道足施設。兄志彌頡頏。
喜予外祖門。從此生輝光。

送周穎之京師

吾鄉伯堅真丈夫。氣剛色強言詞疎。胸中一物不使有。司
儲月斂唯詩書。布裘落魄韋帶緩。權門不肖低眉趨。朋游
累百誰爾汝。人皆不與爭抑揄。掩關啜菽苦意氣。糞壤玉
璧泥沙珠。宣慈中山我孤處。昨日走介遺吾書。書云詔下
顧俊父。父兄命穎之京都。古人求養志擇祿。今而豈得逃
馳驅。肩書手劔出門去。躋洛肯復兒女如。我聞此語涕交

下人皆欲養。繫我無羨子。之爲與道合。勸子亟往無踟躕。明年得志拜堂上。豈非人子榮親歟。

順風呈范御史

濠州抵泗里數百。長淮波平曉如席。鳴鼙解纜揚柳堤。畫船中有東吳客。君恩得請許歸去。聊治里閭去咫尺。歲窮天遠心欲飛。念之汲汲事行役。豁如天意適我願。號令西北起風伯。初時浙浙以鼓動。布帆尚留十幅窄。孤檣得勢安以平。中流激箭巨浪擊。櫂橫櫓閣力不用。疾苦擊隼增羽翮。瞥然兩眼瞬霎過。木葉馳黃山走碧。拏舟月餘今自快。一樽自歌兩手拍。樽中酒空不自歌。順風好景如之何。毗陵太守同此樂。爲言無惜新詩多。

溪山晚日

幽花連徑發。驚鳥避人啼。雨過晴虹上。風清走馬嘶。灘平魚艇穩。村小酒旗低。誰及山翁樂。號呶醉似泥。

村居

午寢忘譏刺。閑居杜送迎。雨泥雙燕下。烟籠一犁耕。座入山光迥。門連野色平。吟餘仍兀坐。誰與戰楸枰。

曲館

日華烘玉甃。烟縷亘雕甍。棗熟房櫳暝。花妍院落明。醉輕春有味。夢短晝無情。欲識悄悄意。回文織已成。

題九仙寺

墜果春三徑。蒸雲晚一軒。廊腰迴戰蟻。山腹合啼猿。泉淡禽窺影。苔深屐印痕。自慚名利者。聊免世紛喧。

贈吉安院主

學佛之徒衆。難能是向文。唯師獨奇尚。於我故殷勤。詩遇知音誦。琴防俗子聞。虛亭對明月。長許到宵分。

和何節判觀水

澄江抵練長。極目路滄茫。烟芷差差綠。風荷柄柄香。西流終古恨。南浦鎮時忙。擬待傳辭意。離人在楚鄉。

歲暮感懷

早是窮冬逼。那堪客思兼。事嗟流水遠。年愧入春添。與雪幸同操。驚霜忽到髯。晚舟前浦泊。何處有青帘。

寄任大中秀才

今我歲將暮。過橈鸚鵡洲。憶君人少與。買舍灤江頭。客路書多絕。吾鄉夢半遊。明年誰到蜀。能寄好書不。

向晚

向晚立沙汀。沙人閑目更餘林。疎僧屋露風轉客帆斜。幽白孤飛身橫紅數抹。霞漁翁相問憐我宦天涯。

和戴天使重陽前一宿長沙驛

楚館夜衾涼。離人念故鄉。遠吟只覺苦。歸夢不成長。壁有寒蛩怨。鄰聞綠蟻香。登高在何處。明日宴山陽。

春日陪燕會春園亭

爲怕三春過。因謀數刻狂。醉輕欣射中。歡甚惜歌長。驕馬花間繫。啼鶯柳下藏。前旌歸去晚。十里淡風光。

和范御史初出都門

牘奏辭三院。鄉榮領百城。帝恩山嶽重。臣命羽毛輕。風月隨人好。江湖照膽清。須公贈金玉。光照重行行。

和韻前人初出鑠頭

奏懇初無飾。天恩亦重違。一麾新命下。兩槩故關歸。淮木
林林脫。霜鴻陣陣飛。賢如詩酒樂。行矣自相依。

驚濤

路半狂飈起。江心巨浪濤。蒼忙舟子叫。匍匐稚兒驚。古岸
移時入。新醪薄暮傾。此心無足道。大抵似人生。

題張果老洞

洞老壽松椿。高名古絕羣。亂山泉瀉瀉。舉世事紛紛。使者
持丹詔。先生卧白雲。方。莫招隱。君德正華勛。

次韻孔憲山齋

訟簡歲豐盈。鈴齋竟日清。窗排羣石怪。簷擁遠山明。古木
風千葉。新髭雪數莖。開。向幽處。餘論見文情。

送范憲百祿赴闕

泥書下紫宸。公議協朝。紳真主正圖治。諫官今得人。從容
陪國論。憔悴恤天民。大。對如晁董。公嘗素所陳。

題靈山寺

我為靈山好。登留到日。巖幽餘暑雪。鐘冷入秋雲。篇詠
唯僧助。塵煩與俗分。明。入東棹。因得識吾文。

送章岵少卿提舉洞霄宮

秘館紅塵外。瑤京白日邊。樽中不空酒。琴面已無絃。曉上
朝真閣。春耕負郭田。優游。大自在。何處更神仙。

遊青城山

三十六峰峻。維岷在蜀奇。方行刺史部。重款丈人祠。凍雪
諸蕃隔。晴雲六面披。訪山窮寶洞。山有寶仙第五勅鬼規。
豐碑泉落寒崖響。蘿依古木垂。良工存舊筆。青城觀壁采
孫知微名西

老叟琢新詩。句符台示陟險齊雙屐。逢幽鼓七絃。盤桓不忍去。還作更來期。

書院

雨久藏書蠹。風高老屋斜。鄉居盡金碧。一一梵王家。

和范御史石倉晚泊

天迥旅懷濶。風長野叫來。口暮江上輒數十人連滄波清

可愛。先為濯京埃。

憶信安五弟附

臆殘鷓鴣洲邊過。憶汝東區入住舊廬。誦聖窮愁千卷外。竟

官留滯十年餘。也知失意能平氣。底事多時不寄書。兄在

松溪我荆楚。別懷三處一秋歔。

除夜泊臨江縣言懷

縣封蕭索楚江澄。旅况吟懷冷似冰。漏促已交新歲鼓。酒
闌猶剪隔宵燈。立身從道思無愧。得路由機患不能。未報
君恩踰四十。青春還是一番增。

寄里中親友

記得城南數刻權。破權為別淚闌干。間關遠道初沿牒。寂
寞長亭一據鞍。郊外此時涼葉亂。嶺頭平日臆梅殘。不辭
頻寄南州信。草檄無功楮葉乾。

和人清明有感

湖外清明物態繁。曉林鶯舌鬪關關。枉緣春意無時盡。自
是人心不暫閑。舊隱東君曾藉草。新官南郡亦登山。滿頭
花卉盈樽酒。且向東風一破顏。

勸學示江原諸生

古人名教自詩書。淺俗頹風好力扶。口誦聖賢皆進士。身爲仁義始真儒。任從客笑原恩病。莫管時譏孟子迂。通要設施窮要樂。不須隨世問榮枯。

初入峽

峽江初過三遊洞。天氣新調二月風。樵戶人家隨處見。仙源雲路有時通。峰巒壓岸東西碧。桃李臨波上下紅。險磧惡灘各幾許。晚停征棹問漁翁。

過嶺回寄張景通先生示邑下同入

二年官役愧能名。賢得斯人幸合并。幾度孝廉交郡辟。一生文行出鄉評。君廬阜水江頭遠。我馬青泥嶺頂行。西首胡爲書以贈。欲持同邑寄諸生。

同萬州相里殿丞游溪西山寺

使君呼客入山行。曉徑前驅照彩旌。蠻女背樵巖側避。野僧攜刺馬頭迎。千層雲水迷三峽。一闕人烟認百城。樓閣憑餘清我聽。竹風蕭瑟澗泉鳴。

謁青城山

背琴肩酒上青城。雲爲開收月爲明。觀宿有詩招主簿。詩約同遊廬空無分遇先生。張俞壻留古畫仙姿活。石載奇文俗眼驚。却念吾鄉山亦好。十年孤負爛柯行。

寄永倅周敦頤虞部

君去濂溪湖外行。倅藩仍喜便鄉程。九疑南向參空碧。二水秋臨徹底清。詩筆不閑真吏隱。訟庭無事洽民情。霜鴻已到衡陽轉。遠緒憑誰數寄聲。

招運判霍交回轅

自邛之雅漸高丘。所過從容盡勝遊。白鶴山頭雲裏寺。金
鷄關外雨中州。公今南按蠲民瘼。歲已西成輟上憂。江濱
荷花開似錦。且同歸去採蓮舟。

次韻王憲中秋不見月

一城歌管中秋樂。薄暮樓臺六幕垂。明月幸無虧損處。浮
雲應有斂收時。聊因表海今宵醉。却起錢塘去歲思。有美
堂前如白晝。練鋪江面鏡鬚眉。

次韻孔憲蓬萊閣

山巔危構俯蓬萊。水閣風長此快哉。天地涵容百川入。晨
昏浮動兩潮來。遙思坐上遊觀遠。愈覺胸中度量開。憶我
去年曾望海。杭州東向亦樓臺。杭有聖海樓

再登亭偶作

氣象三齊古得名。時登表海最高亭。河源一水下青嶂。入
物兩城如畫屏。邑報有秋期俗阜。守慚無術濟民靈。從來
獄市并容地。且向樽前任醉醒。

再有蜀命別王居卿

穆陵關望劔門關。岱嶽山連蜀道山。自顧松筠根節老。誰
令霜雪鬢毛斑。離家敢謂虞私計。過關尤欣覲帝顏。叱馭
重行君莫訝。古人辭易不辭難。

寄題劉詔寺丞濫泉亭

泉名從古冠齊丘。獨占溪心湧不休。滾似蜀都分海眼。勢
如吳分起潮頭。連宵鼓浪搖明月。當暑迎風作素秋。亭上
主人留我語。只將塵事指浮漚。

過鐵山鋪寄交代吳龍圖

寄交代詩

九

暫留山驛又晨興。西望旌麾想舊朋。三院筆簪曾對直。兩川兵印復交承。年光頭鬢華如雪。世態心情冷似冰。境上憑詩馳遠意。青泥寒曉入雲燈。

過左縣偶成

東南再守二年間。自梳從青徒蜀何須問險艱。入覲已違龍尾道。出麾還過鹿頭關。與民共約三春樂。顧我都忘兩鬢斑。歲滿乞骸何處好。仙棊一局爛柯山。

鈴兵王閣使素芳亭賞梅花

素萼清香並酒卮。主人勤意囑留詩。為逢蜀國新開日。却憶江南舊賞時。春密未通桃李信。臘殘都放雪霜姿。先公舊植亭欄外。肯構重來見本枝。先司空鈴兵日始創是亭

次韻李元方卽事

壯歲胸懷獨感時。官隨寒暑似民咨。能思蘊益開長卷。任有閑忙不負詩。趣句已為迂俗笑。聲名須共古人期。茅齋寂坐生秋思。無語西風夜月知。

聞嶺外寇梗

驚說炎颺煙瘴時。洞蠻蠡起寇南陲。家書萬倍金難得。遠夢千迴路不知。刺史沒身專捍禦。康州趙潛叔死敵諫官御命救瘡痍。起居趙叔武出使伏波死去今誰繼。大筆銘勳壓海涯。

次韻程給事寓越解字有懷

越郡江南盡不如。樂天流語信非疎。人從鎖闥中間出。老在蓬萊向上居。言念玉符分鎮日。却思瓊苑拜恩初。臨風又辱詩筒寄。足見優游刃有餘。

次韻郡齋偶成

兩火一刀名素勝。十分雙澗地長靈。賞心曾為乘華舫。好
手應難作画屏。北海樓前千里靜。南山天末四時青。蓬萊
自是仙家景。解使詩翁醉眼醒。

武林卽事寄程給事

乞得錢塘下九天。徙從青社復三川。坤維十往萬餘里。吳
分重來七八年。鑑水坐遙懷舊治。柯峰歸晚愧前賢。東州
賴有微之約。曾寄詩筒遞百篇。

七十隨緣豈有由。樂天曾不厭杭州。青山未隱如千里。白
首重來又九秋。月窟仙人遺桂子。海門神物助潮頭。自慚
老守無心力。坐鎮吾民靜卽休。

有懷程給事

稽嶺樓臺真曠絕。武林風物競豪華。兩州對望音題數。

水中分會晤差。言到越遲東海渺茫排島嶼。西陵依約露人家。

元和賡唱今猶古。此樂情懷豈有涯。

次韻歲暮有感

歲月如流不用嗟。盛衰前定豈曾差。自憐覽照頭渾雪。猶
喜觀書目未花。竺嶺兩曾逢落桂。龍山三見擷新茶。春元
便欲休官去。誰顧杭州十萬家。

次韻卽事見懷

鑑水寬閑稱越國。河塘繁劇是杭州。蓬山君繼元丞相。竹
馬予慚郭細侯。郡邑豐穰真可喜。人家飽煖更何憂。西陵
隔岸無多遠。數上臨江百尺樓。

清風閣卽事

庭有松蘿砌有苔。退公聊此遠塵埃。潮音隱隱海門至。泉
勢潺潺石縫來。夜榻衾裯仙夢覺。曉窗燈火佛書開。休官
不久輕舟去。喜過嚴陵舊釣臺。

有懷蔣堂侍郎

却憶東舟去若仙。津亭分袂忽經年。春風境上無多地。夜
月湖中共一天。海閣坐觀濤擁鷺。山堂吟聽漏移蓮。新詩
往復交情見。巨集成來已百篇。

寄酬前人士巳日鑑湖卽事二首

湖上初經上巳春。水邊遙見碧蕪新。輕舟競泛無涯樂。夾
岸希逢不醉人。厨醞旋薦浮蟻醪。府茶滾點卧龍珍。詩筒
往復余知幸。垂老親仁得善隣。

蓬萊高與卧龍俱。位望兼崇似合符。絃管夜聲傳井邑。樓
臺春影蘸江湖。休功卽報昔年政。直節曾行萬里。真是
玉皇香案吏。坐看歸去贊蘿圖。

次韻前人蓬萊閣卽事

蓬萊窗外曉光分。夢覺初驚杜宇魂。但有吏供衙府喏。斷
無人到訟庭喧。濛濛宿靄開湖面。隱隱更潮過海門。一水
兩州皆重鎮。越清杭劇不同論。

上天竺寺石巖花

對植齊開古梵宮。欲求精筆畫難工。直將春占三旬盛。誰
謂花無十日紅。未羨山桃資客笑。且陪庭栢作家風。遍尋
他處都無此。寶殿前頭只兩叢。

陪趙少師遊西湖兼簡坐客

絲管喧喧擁畫船。澄瀾上下照紅蓮。一樽各盡十分酒。四

老共成三百年。北闕音書休憶念。西湖風物且留連。杭民
夾道焚香看白髮。朱顏長壽仙。

次韻程給事見寄

羨公鈴閣絕纖塵。顧我何嘗德被人。訟牘自憐無日暇。詩
筒翻喜入秋新。白頭未許還官政。紫詔頻煩慰老臣。一去
蓬萊已踰歲。夢魂長到十洲春。

次韻許遵少卿見寄

頭上有霜添白髮。囊中無藥駐朱顏。堪驚積歲加衰老。未
省何時得退閑。淵淨思臨浮石渚。喧譁羞對武林山。君恩
早賜俞音下。卽擁菟裘故里還。

次謝許少卿寄卧龍山茶

越芽遠寄入都時。酬唱珍誇互見詩。紫玉叢中觀兩脚。翠

峯頂上摘雲旗。暖多思爽都忘寐。吟苦更長了不知。想到
明年公進用。卧龍春色自遲遲。

次韻程給事郡齋秋暑

老爲鄉郡止偷安。自愧仙踪未易攀。八面松陰籠古寺。三
秋桂子下靈山。良朋寄意詩篇裏。高會追歡夢寐間。却憶
會稽清曠處。樵風朝暮若邪灣。

次前人遊鑑湖

湖治誰能繼後塵。馬侯祠閣至今存。昔太守馬窮源上達
仙翁井。引派傍通吏部園。紅旆遍遊。素志。畫橈歸去近
黃昏。別懷屈指暮將半。况屬鄉州役夢魂。

累乞致政詔答未允述懷

自愧孤忠荷聖慈。恩榮官向九天辭。于今蒲柳衰殘日。好

是雲烟放曠時。玉闕累章煩賜詔。激江兩槩。嗟歸期。宵征自有高人笑。漏盡鐘鳴曉未知。

贈別周元忠秀才

吾里推高節。行孤諸生師。帳是規摹窮。經不治五畝宅。教子已為千里駒。暫出林泉飛兩槩。且陪風月賞西湖。了知富貴儻來物。誰向浮雲間有無。

平溪堂

亭號休休古退藏。豈如溪上構虛堂。坐邀城市真瀟灑。却謂江湖太渺茫。下筆新題無俗事。搢笏野服是家常。臨流最有清風快。未見故人心已涼。

遊鴈蕩將抵温州寄太守石牧之

霜風雙鬢雪鬚髮。物外尋真頓離凡。子舍若非叨別乘。我

車安得到靈巖。碧窺秋瀑心同洗。紅嚼山杷口似饒。多謝賢侯見招意。數貽嘉詠與珍函。

次毛維瞻溪庵

退訪雲山遠世塵。結庵臺上古溪濱。園茶每放爭先手。隱几能安自在身。鷗鷺後前如舊物。龜魚遊泳不疑人。曲肱飲水真賢樂。何用淵明漉酒中。

送穆舜賓承議致政還鄉

清脩平日得無慚。學道勤行官妄談。軒冕誼譁公始悟。林泉瀟灑我先諧。曾憐遊弋雲中鴈。每念纏絲蜜裏蠶。西舫西歸時節好。春山如黛水如藍。

和沈太博小圃偶作二首

名園雨後百花繁。人倚危樓十二干。園裏芳菲樓上客。一

般情緒怕春寒。
日烘薄霧開柔陌。風冒遊絲着柳條。語燕啼鶯自撩亂。驚
人殘夢是春朝。

過青泥嶺

老社休誇蜀道難。我聞天險不同山。青泥嶺上青雲路。二
十年來七往還。

和宿峽石寺下

淮岸浮圖半倚天。山僧應已離塵緣。松關暮鎖無人跡。惟
放鐘聲入画船。

賞春亭

遠絕佳絕備亭隈。當席芳樽醉看來。始信春恩不私物。亂
山窮處亦花開。

玉泉亭

潺潺朝暮入神清。落澗通池遶郡廳。亂石長松山十里。討
源須上玉泉亭。

和范都官行後九日奉寄

湖平風穩送歸航。望隔巖灘七里長。更上高峰儘高處。黃
花新酒醉重陽。

次韻范師道龍圖

舍車弭蓋爭尋勝。坐石攜泉旋煮茶。可惜湖山天下好。十
分風景屬僧家。

答穎縣錢頴著作移花

令尹憐花意思勤。海棠多種郡園新。自從兩蜀年年見。今
日欄邊似故人。

次韻郁李花

花縣逢春對曉暉。朱朱白白綴繁枝。梅花菊後何須較。好似人生各有時。

辛巳青州翫月有懷

中秋去歲中和宴。中和杭州堂名表海今朝北海壘。表海青州亭名天上無私是明月。隔淮千里照人來。

題郡園亭館

為愛東園四照亭。剪開繁木快人情。新秋雨過閑雲卷。十里南山兩眼明。

題御愛山

岷峨西列華排東。餘縱崢嶸敢競雄。不是當時經御愛。此山還與衆山同。

出鴈蕩回望常雲峰

遊遍名山未肯休。征車已發尚回眸。高峰亦似多情思。百里依然一探頭。

客舟夜雨

朝發溫江上處溪。小舟無寐枕頰欹。夜來雨作蓬蔭響。恰似當年赴舉時。

宛陵詩鈔
宛陵先生宣州宣城人以從父蔭
補太廟齋郎歷主簿縣令監稅湖州簽署忠武鎮安兩
軍節度判官初大臣屢薦宜在館閣嘗一召試賜進士
出身餘輒不報嘉祐初學士趙槩等十餘人列言于朝
乃得國子監直講累官至尚書屯田都官員外郎撰唐
載二十六卷多補正乃命編修唐書書成未奏而卒聖
俞少即以能詩名天下求者踵至其初喜為清麗閑肆
平淡久則涵演深遠間亦琢剝以出怪巧然氣完力餘
益老以勁其應於人者多故辭非一體非如唐諸子號
詩人者僻固而狹陋也在河南時王晦叔見而歎曰二
百年無此作矣賢士大夫如溫公東坡介甫諸人咸敬

宛陵詩鈔

七

梅堯臣字聖俞人稱宛陵先生宣州宣城人以從父蔭
補太廟齋郎歷主簿縣令監稅湖州簽署忠武鎮安兩
軍節度判官初大臣屢薦宜在館閣嘗一召試賜進士
出身餘輒不報嘉祐初學士趙槩等十餘人列言于朝
乃得國子監直講累官至尚書屯田都官員外郎撰唐
載二十六卷多補正乃命編修唐書書成未奏而卒聖
俞少即以能詩名天下求者踵至其初喜為清麗閑肆
平淡久則涵演深遠間亦琢剝以出怪巧然氣完力餘
益老以勁其應於人者多故辭非一體非如唐諸子號
詩人者僻固而狹陋也在河南時王晦叔見而歎曰二
百年無此作矣賢士大夫如溫公東坡介甫諸人咸敬

重之尤與歐陽文忠公善。世比之韓孟，兩公亦頗以自
况。故貢奎詩云：詩還二百年來作，身死三千里外官。知
已若論歐永叔，退之猶自愧郊寒。蓋言詩力也。又龔嘯
云：去浮靡之習，于昆體極弊之際，存古淡之道。于諸大
家未起之先，此所以為梅都官詩也。果信。

河陽秋夕夢與永叔遊嵩避雨於峻極院賦詩及覺
猶能憶記，俄而僕夫自洛來云：永叔諸君陪希深
祠岳，因足成短韻。

夕寢北窗下，青山夢與尋。相歡不異昔，勝事却疑今。風雨
幽林靜，雲烟古寺深。此二句夢中得攬衣方有感還喜問來音。

希深惠書言與師魯子聰永叔幾道遊嵩，因誦而韻
之。

聞君奉宸詔，瑞祝疑靈岫。山水聊得游，志願庶可就。豈無
朋從俱，况此一二秀。方靳建春陌，十刻殘晝漏。初經緱氏
嶺，古栢尚鬱茂。却過轅轅關，巨石相撐鬪。夕齋禮神祠，法
袞被藻繡。畢事登山椒，常服更短後。從者十數人，輕齋不
為陋。是時天清陰，力氣勇奔驟。雲巖杳虧蔽，花草藏澗竇。
傍林有珍禽，驚聒若避殼。盤石暫憇休，泓泉助吞漱。上窺
玉女窗，漸絕非可構。下玩搗衣砧，焜耀金紋透。尹子體雄
恢，攀緣逾習狃。歐陽稱壯齡，疲軟屢顛踣。競歡相扶持，芒
屨資踐蹂。八仙存故壇，三醉孰云謬。鄙哉封祝碑，數子昔
鐫鏤。偶誌一時事，曷虞來者詬。絕頂瞰諸峰，隘然輕宇宙。
遙思謝塵煩，欲知羣鳥獸。韓公傳石室，聞之固已舊。當時
興稍衰，不暇苦尋究。東崖暗壑中，釋子持經呪。于今二十

年飲食同猿狖。君子聆法音。充爾益膚腠。嘗期躡屐過。吾
儕色先憊。韻遂乖真諦言。茲亦甘自咎。中預會幾望。涼蟾
皓如畫。紛紛坐談譚。草草具觴豆。清露濕巾裳。誰人苦羸
瘦。便即忘形骸。胡爲戀纓綬。或疑桂宮近。斯語豈狂瞽。歸
來遊少室。峭崿殊引脰。石室迢遞過。探訪仍邂逅。捫蘿上
岑邃。仙屋何廣袤。乳水出其間。涓涓自成溜。凡骨此熏蒸。
靈真安可覩。霞壁幾千尋。四字侔篆籀。咸意苔蘚文。誠爲
造化授。標之神滄洞。民俗未嘗邁。忽覺風雨冥。無能久瞻
扣。忽忽遂宵征。勝事皆可復。俚歌縱喧譁。怪說多駸駸。凌
晨關塞陽。追賞顏匪厚。窮極四百里。寧憚疲左右。昨朝書
報予。聞甚醉醇酎。所嗟遊遠方。心焉倍如疚。

送河清賈主簿歸任

不遠水雲間。悠悠泝鵲還。分亭接鷄犬。舉酒對河山。殘雪
依荒磧。寒烟入暝灣。昔人鸞枳歎。一併在離顏。

河南張應之東齋

昔我居此時。鑿池通竹園。池清少游魚。林淺無棲羽。至今
寒窗風。靜送枯荷雨。雨歇吏人稀。知君獨吟苦。

河南王尉西齋

官舍古城隅。西齋何寂寂。種竹幽趣深。開屏翠光滴。青山
露南墻。落日明東壁。危臺起其傍。平隰坐可覲。歲暮野田
空。天高霜隼擊。更憐風月時。幾弄林間笛。

余居御橋南夜聞祇鳥鳴効昌黎體

都城夜半陰雲黑。忽聞轉轂聲咿呦。嘗憶楚鄉有祇鳥。一
身九首如贅疣。或時月暗過閭里。緩音低語若有求。小兒

藏頭婦滅火。閉門鷄犬不爾留。我問楚俗何苦爾。云是鬼
車載鬼遊。鬼車載鬼奚所及。抽人之筋繫車軸。昔聽此言
未能信。欲訪上天終無由。今來中土百物正。安能遂與南
方儔。上帝因風如可達。願令驅逐出九州。

僧可真東歸因謁范蘇州

仲淹

姑蘇臺畔去。雲壑付清機。野策過寒水。山童護衲衣。松門
正投宿。竹笠帶餘暉。誰愛村山句。使君應姓韋。

魏屯田知楚州

淮南木葉驚。淮上使君行。天外高帆出。沙頭候吏迎。夜潮
通廢壘。秋月滿孤城。正遲文翁化。從來楚俗輕。

和才叔岸傍古廟

樹老垂纓亂。祠荒向水開。偶人經雨踏。古屋爲風摧。野鳥
棲塵坐。漁郎莫竹杯。欲傳山鬼曲。無奈楚辭哀。

新安錢學士以近詩一軸見貺。輒成短言。用叙單悃。

早事太尉府。謬以才見論。身作邑中吏。日陪丞相尊。嵩山
雲外寺。伊水渡頭村。泉味入香茗。松色開清罇。題詩人半
醉。馬上景已昏。歸來屬後乘。冠蓋迎國門。悠悠失貧賤。再
再歷涼溫。而今處窮僻。落莫思舊恩。終日自鮮適。終年長
不言。已覺人事寡。惟聞鷄犬喧。東風有來信。滿幅蘭與蓀。
淡知故人意。遺我滌冥煩。一章言菴畫。豁好如目存。何須
到雲壑。便若游花源。一一先造化。可以輕瑤琨。成誦今在
口。願將醒病魂。

彼鴛吟

斷木喙雖長。不啄栢與松。栢栢本堅直。中心無蠹蟲。廣庭

木云美。不與松栢比。臃腫質性虛。朽蠹招猛菴。主人赫然怒。我愛爾何毀。彈射出窮山。羣鳥亦相喜。啁啾弄好音。自謂得天理。哀哉彼鴛禽。吻血徒爲爾。鷹鷂不搏擊。狐兔縱橫起。况茲樹腹怠。力去宜濱死。

陶者

陶盡門前土。屋上無片瓦。十指不露泥。鱗鱗居大厦。

禽言四首

子規

不如歸去。春山云暮。萬木兮參雲。蜀天兮何處。人言有翼可歸飛。安用空啼向高樹。

提壺

提壺蘆沽美酒。風爲賓樹爲友。山花綠亂目前開。勸爾今朝千萬壽。

朝千萬壽

山鳥

婆餅焦兒不食。爾父向何之。爾母山頭化爲石。山頭化石可奈何。遂作微禽啼不息。

竹鷄

泥滑滑苦竹岡。雨蕭蕭馬上郎。馬蹄凌兢雨又急。此鳥爲君應斷腸。

弔礦坑惠燈上人

生棲雲際巘。沒葬寺徇村。破案殘經卷。新墳出樹根。松悲隔溪路。月照舊山門。自昔多詩句。而今幾許存。

范饒州坐中客語食河豚魚

春洲生荻芽。春岸飛楊花。河豚當是時。貴不數魚蝦。其狀

已可怪。其毒亦莫加。忿腹若封豕。怒目猶吳蛙。庖煎苟失所。入喉爲鑊鉀。若此喪軀體。何須資齒牙。持問南方人。黨護復矜誇。皆言美無度。誰謂死如麻。吾語不能屈。自思空咄嗟。退之來潮陽。始憚食籠蛇。子厚居柳州。而甘食蝦蟆。二物雖可憎。性命無舛差。斯味曾不比。中藏禍無涯。甚美惡亦稱。此言誠可嘉。

和元輿遊春次用其韻

乘閑多遠興。信馬與君行。碧樹斜通市。清流曲抱城。山花高下色。春鳥短長聲。日暮吾廬近。還歌空復情。

離燕湖至觀頭橋

江口泊來久。菰蒲長舊苗。爭鵝洲鵲鬪。遺子浦魚跳。宿岸欣逢戍。歸船競趁潮。時時望鄉樹。已恨白雲遙。

夢故府錢公

故相方來夢。分明接座隅。只知冠劍是。不道死生殊。西府看如舊。東山詠久徂。遽然興寤歎。不覺淚霑鬚。

宿州河亭書事

遠泛千里舟。暫向郊亭泊。觀物趣無窮。適情吟有託。林中鷓鴣。席上蠅虎。攬雨久草苗。盛出蕪瓜蔓。弱香粳稚子。慣脫粟家人。薄少年都下來。聊問時所作。新衣尚穿東。舊服變褒博。我今貧且賤。短褐隨宜著。

晚泊觀鬪鷄

舟子抱雞來。雄雄峙高岸。側行初取勢。俯啄示無憚。先鳴氣益振。奮擊心非悞。勇頸毛逆張。怒目背裂眦。血流何所爭。死鬪欲充玩。應當激猛毅。豈獨專晨旦。勝酒人自私。粒

食誰爾喚。紉懷彼興。魏傍睨當。衰漢徒然。驅國衆。曾靡救時難。羣雄自苦戰。九錫邀平亂。寶玉歸大姦。于戈託奇算。從來小資大。聊用一長歎。

廟子灣辭

廟子灣風俗云有白龍憑險日為波湖以驚異上下余過而作辭云

我之東來兮過彼雍丘。舟師奏功兮濁水湍流。歷長灣兮勢曲鉤。傾高斗折兮若奔虬。潛伏怪物兮溪幽幽。發作暴漲兮為潮頭。土人立祠兮在彼沙洲。老木蒼蒼兮蟬喚啾啾。輪卒引絳兮蓬首。輿體劇縲囚。赤日上煎兮膠津。蹙氣塞咽喉。習盪肩挨同軛牛。足進復退不得休。竟持紙幣挂廟陬。微風飄揚如喜收。我今語神神聽不。何不歸海事陽。

侯穹魚大龜非爾儔。奚必區區此汴溝。驚愚駭俗得有羞。去就當決何遲留。

送馬廷評之餘姚

越鄉知勝楚。君去莫辭遙。曉日魚蝦市。新霜橘柚橋。河流通海道。山井應江潮。近邑逢鷗鳥。先應避畫橈。

送張子野秘丞知鹿邑

忽作五年別。相逢雙鬢疎。不知從此去。當見復何如。公秣時為酒。晨庖日有魚。沛譙風物美。聊以樂琴書。

依韻和劉敞秀才

安得采虛名。師道欲吾廣。雖然存術業。曾不計少長。孔孟久已亡。富貴得亦儻。後生不聞義。前輩懼為黨。退之昔獨傳。力振功不賞。舌吻張洪鍾。小大扣必響。近世復泯滅。務

學多忽恍。今子誠有志。方駕已屢枉。自慙懷道淺。所得可下上。正如種青松。而欲託朽壤。典冊皆可尋。聖言皆可仰。幸無增我過。此語固不爽。

送張秀才之淮南

聊爲楚客唱。一送淮南行。出汴遠心喜。移舟孤岫橫。危帆將進浦。寒霧不分城。枚乘舊居處。向來秋草生。

南隣蕭寺丞夜訪別

憶昨偶相親。相親如舊友。雖言我巷殊。正住君家後。壁裏射燈光。籬根分井口。來邀食有魚。屢過貧無酒。明日定徂征。聊茲酌升斗。宵長莫惜醉。路遠空迴首。

讀司馬季主傳贈何山人

長安新雨後。九陌少行人。同輿有宋賈。游市懷隱淪。日聞

古賢哲。必與醫卜隣。來過季主室。再拜語逶迤。矍然悟辭貌。何爲居埃塵。捧腹乃大笑。吾道非爾臻。驥慙罷驢駟。鳳豈燕雀親。筮占聊助上。功利儻及民。大夫與博士。登車若喪神。今我見何遜。始驗太史真。順性誨善惡。不離義與仁。言孝論爲子。言忠論爲臣。又得蜀嚴比。寧將日者均。京都盛龜筮。坐肆如魚鱗。噤口不正言。唯能辨冬春。鴻冥復所慕。安得鷄鶩馴。

依韻和子聰見寄

嘗念餞行舟。風蟬動去愁。獨登孤岸立。不見遠帆收。及送故人盡。亦嗟歸迹留。洛陽若更憶。寧復醉危樓。

送何遜山人歸蜀

春風入樹綠。童稚望柴扉。遠磬杜鵑響。前山蜀客歸。到家

逢社燕下馬澣征衣。終日自臨水。應知己息機。

新霽望岷筮山

謝業徵坐中賦

北望直百里。峩峩千仞青。斷虹迎日盡。飛雨帶龍腥。陰經煙雲畜。陽崖草木靈。登臨終不厭。時許到茲亭。

代書寄歐陽永叔四十韻

始謫夷陵日。當居建德年。一書寃逐客。四詠繼稱賢。自前臨江徼。相逢莫我先。白醪封畫榼。素鯉養泓泉。戒吏收山粟。呼童惜沼蓮。只期東浦過。共醉小溪邊。日日占風勢。時時到水湄。安知貪挂席。不肖暫迴船。自爾皆無定。歸歟亦未然。指程幾一月。涉險歷三千。魚鳥都難問。音塵杳莫傳。因之走羸僕。試與訪南遷。比及過牛峽。還聞迎壁田。報言雖不獲。吉語喜多全。我解歸堯闕。君移近漢淵。問途曾未

遠。命駕亦何緣。衰野今行矣。隆中有待焉。鄉亭瓜接畛。風化蟻同羶。卽欲朋簪盍。翻爲俗事牽。愛嬰嬌啞啞。嗜寢復便便。雞黍煩爲具。輪轅豈得前。寄聲勤以謝。幸子恕而憐。來覲誠爲望。論情恐未捐。嘗親馬南郡。果謁謝臨川。遂得窺顏色。重忻論簡編。聊咨別後著。大出篋中篇。問傳輕何學。言詩詆鄭箋。飄流信窮厄。探討愈精專。道舊終忘倦。評文欲廢眠。寧知主人貴。但見左魚懸。所至同風月。相歡憶澗瀝。清歌嗟在耳。素髮怪侵顛。翠蝶時登眺。芳洲屢泝泝。難醒撥醅醪。殊厭落頭鮮。坐竹聽啼鳥。臨流聒嘒蟬。孤亭起歸夢。南陌去揚鞭。出餞陪雙旆。方靳歷廣鄺。始生山吏敬。頗釋利途適。會面辭何吐。離膺事已填。空餘郡樓望。野色際平煙。

雪夜留梁推官飲

畫雪落旋消。夜雪寒易積。燈清古屋淡。爐凍殘煙碧。爲沽一斗酒。暫對千里客。酒薄意不淺。輕今須重昔。重昔是年華。飄飄猶過隙。一醉冒風歸。平明馬無迹。

永叔寄澄心堂紙二幅

昨朝人自東郡來。古紙兩軸絨縑開。滑如春水密如繭。把玩驚喜心徘徊。蜀牋脆蠹不禁久。剡楮薄慢還可咍。書言寄去當寶惜。慎勿亂與人剪裁。江南李氏有國日。百金不許市一枚。澄心堂中唯此物。靜几鋪寫無塵埃。當時國破何所有。帑藏空竭生莓苔。但存圖書及此紙。輦大都府非珍瓏。于今已踰六十載。弃置大屋墻角堆。幅狹不堪作詔命。仰備寵使供鸞臺。鸞臺天宮或好事。持歸祕惜何嫌猜。君今轉遣重增愧。無君筆札無君才。心煩收拾乏置積。日長捨裂防嬰孩。不忍揮毫徒有思。依依還起子山哀。

聞尹師魯赴涇州幘

騎邊來。漢兵皆死戰。昨聞衛將軍。賢俊多所薦。知君慮不淺。永對未央殿。天子喜有言。輅車因召見。籌畫當冕旒。袍魚賜銀茜。曰臣豈身謀。而邀陛下睞。青衫出二嶠。白馬如飛電。關山冒風露。兒女泣霜霰。軍容壯士多。劍藝匹夫銜。賈誼非俗儒。慎無輕寡變。

夏日陪提刑彭學士登周襄王故城

聊隨漢使者。一上周王城。片雨北郊晦。殘陽西嶺明。野禽呼自別。香草問無名。誰復黍離詠。但興箕穎情。

新霽登周王城

行行古城頭。歷覽古城下。水鳥傷人煙。河流隔桑柘。秋山
豁晴翠。野老親時稼。民訟今已稀。閑登厭官舍。

田家

高樹蔭柴扉。青苔照落暉。荷鋤山月上。尋徑野煙微。老叟
扶童望。羸牛帶犢歸。燈前飯何有。白薤露中肥。

田家語

庚辰詔書凡民三丁籍一立校與長號弓箭手用備不
虞主司欲以多媚上急責郡吏郡吏畏不敢辨遂以屬
縣令互搜民口雖老幼不得免上下愁怨天雨淫淫豈
助聖上撫育之意耶因錄田家之言次爲文以俟採詩
者云

誰道田家樂。春稅秋未足。里胥扣我門。日夕苦煎促。盛夏

流潦多。白水高於屋。水既害我菽。蝗又食我粟。前月詔書
來。生齒復板錄。三丁籍一壯。惡使操弓鞫。州符今又嚴。老
吏持鞭朴。搜索雅與艾。唯存跛無目。田閭敢怨嗟。父子各
悲哭。南畝焉可事。買箭賣牛犢。愁氣變久雨。鎬缶空無粥。
盲跛不能耕。死亡在遲速。我聞誠所慙。徒爾叨君祿。却詠
歸去來。刈薪向溪谷。

汝墳貧女

時再點弓手老幼俱集大雨甚寒道死者百餘人自壞河至昆陽老牛陂僵尸相藉

汝墳貧家女。行哭音淒慘。自言有老父。孤獨無丁壯。郡吏
來何暴。縣官不敢抗。督遣勿稽留。龍鍾去攜杖。勤勤囑四
隣。幸願相依傍。適聞閭里歸。問訊疑猶強。果然寒雨中。僵
死壞河上。弱質無以託。橫尸無以葬。生女不如男。雖存何
所當。拊膺呼蒼天。生死將奈何。

魯山山行

適與野情愜。千山高復低。好峰隨處改。幽徑獨行迷。霜落熊升樹。林空鹿飲溪。人家在何許。雲外一聲雞。

疲馬

疲馬不畏鞭。暮途知幾千。當須量馬力。始得君馬全。

依韻和永叔子履冬夕小齋聯句見寄

遙知夜相過。對語冷無火。險辭鬪尖奇。凍地抽筍筍。吟成欲寄誰。談極唯思我。學術窮後先。文字少許可。敢將蠶測海。有似脂出輅。必餓嘗見憂。此病各又果。弊駕當還都。重門不須鎖。到時春怡怡。萬柳枝娜娜。定應人折贈。只恐絮已墮。行囊且不貧。明珠藏百顆。永叔嘗見嘲謂自古詩人於澤畔蘇武嚼雪於海上杜甫凍餓於未陽李白窮獨於宣城孟郊盧仝栖栖道路以子之才必類歐子今二君又

自為此態而反有飯顆之謂何耶

仲春同師直至隴山雪中宿穰亭

與子乘羸馬。夜投山家宿。風雪滿綈裘。燈火燄竹屋。烹雞賴主人。吠犬憎倦僕。明發到巖前。春萸凍雲木。

和師直早春雪後五壠道中作

來尋谷口春。正值陰雲結。日暮冰霰繁。宿亭孤飯設。侵晨登隴去。始見羣峰列。草凍未抽心。松枯猶抱節。川傍認飛鷲。林上墜殘雪。何意待芳菲。遲留未堪折。

孫主簿惠上黨寺壁胡霈然書墨迹一匣

上黨佛祠何可觀。開元瑞物圖高閣。又有長廊古壁上。復是名輩題丹腹。當時泥用絲。作筋意欲千載無。剝落書奇畫妙了不識。詎傳墨土能治瘡。寺僧不惜人指取。筆畫

遂缺如鳥啄。後來好事恐磨滅。寶刀裁刻泥如剝。取之龕
置綠板匣。便寶箱楮同美璞。拂拭還看體勢生。盤屈蒼虬
舞鸞鸞。在昔不畏屋壁壞。今也常恐兒童撲。夫君知我心
所重。南歸贈以致誠懇。此時雖喜落吾手。老大腕硬無由
學。但當拜祝不敢忘。莫爲報言曾未數。

寄永興招討夏太尉

代人

寶元元年西夏叛。天子命將臨戎行。二年孟春果來寇。高
奴城下皆氏羗。五原偏師急赴敵。晝夜不息趨戰場。馬煩
人怠當勦。雖持利器安得強。二師覆敗乃自取。豈是廊
廟謀不臧。朝廷又選益經略。三幟賢俊務所長。或取李愬
備邊策。或欲五道出朔方。仲夏科民挾弓矢。季冬括驢賈
道糧。官軍未進復犯塞。塞旗殺將何倡狂。遂令士卒愈沮
氣。欲使乘障膽不張。我願助畫跡且遠。側身西望空淒涼。
庶幾一言可裨益。臨風欲寄鳥翼翔。所宜畜銳保城壁。轉
饋先在通行商。守而勿追彼自困。境上未免小攸攘。譬如
蚊虻嗜膚體。實於肌血無大傷。此言雖小可喻遠。幸公采
用不我忘。誠知公慮若裴度。聖上聽用同憲皇。當時豈不
歷歲月。猶且衆鎮未陸梁。况今鷹犬乏雄勇。便擬馳騁徒
蒼惶。且緩須時勵犀卒。終期拉朽功莫當。

桓妬妻

昔聞桓司馬。娶妾貌甚都。其妻南郡主。悍妬誰與俱。持刀
擁羣婢。逕往將必屠。妾時在窗前。解鬟臨鏡梳。鬢髮雲垂
地。瑩姿冰照壺。妾初見主來。縮髻下庭隅。斂手語出處。國
破家已殂。無心來至此。豈願奉君娛。今日苟見殺。雖死生

不殊主乃擲刃前。抱持一長吁。曰我見猶憐。何況是老奴。盛怒反爲喜。哀矜非始圖。嫉忌尚服美。傷哉今亦無。

舟次朱家曲寄許下故人

藹藹桑柘岸。喧喧鷄犬村。晚雲連雨黑。秋水帶沙渾。稍聽鄰船語。初分異土言。雖嗟遠朋友。日喜近田園。

醉中留別永叔子履

新霜未落汴水淺。輕舸唯恐東下遲。遶城假得老病馬。一步一跛令人疲。到君官舍欲取別。君惜我去頻增噫。便步髯奴呼子履。又令開席羅酒卮。逡巡陳子果亦至。共坐小室聊伸眉。烹鷄庖兔下筯美。盤實飢餒粟與梨。蕭蕭細雨作寒色。耿耿盡醉安可辭。門前有客莫許報。我方劇飲冠憤歎。文章或論到淵奧。輕重曾不遺毫釐。間以辨詐毋絕。

倒。豈顧明日無晨炊。六街禁夜猶未去。童僕竊訝吾儕癡。談兵究弊又何益。萬口不謂儒者知。酒酣耳熱試發泄。二子尚乃驚我爲。露才揚已古來惡。卷舌噤口南方馳。江湖秋老鱖鱸熟。歸奉甘旨誠其宜。但願音塵寄鳥翼。慎勿却効兒女悲。

赴雪任君有詩相送仍懷舊賞因次其韻

湖山饒逸處。曾省牧之遊。鴈落葑田潤。船過菱渚秋。野煙昏古寺。波影動危樓。到日尋題墨。猶應舊壁留。

歲日旅泊家人相與爲壽

舟中逢獻歲。風雨送餘寒。推年增漸老。永懷殊鮮歡。江邊無車馬。鑑裏對衣冠。孺人相慶拜。共坐列盃盤。盤中多橘柚。未咀齒已酸。飲酒復先醉。頗覺量不寬。岸梅欲破萼。野

水微生。闕來者。卽爲新。過者故。爲殘。何言昨日趣。乃作去年觀。時節未變易。人世良可歎。

依韻和胡武平懷京下游好

南國易悲愁。西風起高樹。枯荷復送雨。度鴈寧知數。欲問北來音。繁書復若故。冥飛杳無跡。弋者徒有慕。况在白蘋洲。而懷石渠署。石渠多故人。鷓鴣方騫翥。鷓鳴尚可希。絳翼何由附。主人賴知己。未變疇昔顧。乘桴豈仲尼。好勇非李路。幸依南郡帳。不學邯鄲步。自守終日愚。都志向時處。倦戀此江湖。親年當喜懼。旣獲庭闈近。又多山水趣。邈來對明几。千里猶會晤。長橋人絕聲。舉酒逢秋露。迥聞孤舟笛。煙水在何處。俯檻意無涯。跳波魚夜乳。頗得真隱情。奚須慕巢許。思寄梅枝香。遠隔蘭溪渡。緘之付好風。精爽亦

隨去

送劉成伯著作赴弋陽宰

我昨之官來。值君爲郡掾。當年已知名。是日纔識面。未及嗟還都。始應羣公薦。遂除芸省郎。出治江上縣。縣劇素所聞。其俗到可見。水精製盤盂。水瑩產郊甸。鳴箏斲桐梓。雕飾雜寶綯。有藥化銅鉛。方士多伏鍊。君今齒尚壯。好學常不倦。二者定非惑。吾言亦狂狷。絃歌將有餘。幸可窮經傳。歸來期著書。篋楮盈百卷。莫學此疎慵。無能守貧賤。明朝君當行。勉勉自出餞。豈無一壺酒。豈無一鼎饌。

冬雷

上帝設號令。隱其南山下。震發固有時。曷常事憑怒。春以動含生。夏以奮風雨。冬其息不用。藏在黃厚土。我今來江

南歲曆惟建午。如何小雪前。向曉疑鳴釜。蛟虵龜蟲厄。鱗
裂口塊吐。蝦蟇不食月。深窟僵兩股。天公豈物欺。若此汨
時序。或言非天公。實乃陰怪主。嘗觀古祠畫。牛首椎連鼓。
黑雲雜狂飈。相與爲肺腑。是不由昊穹。安能順寒暑。吾因
考厥事。復以驗莽鹵。市井欺量衡。定知不活汝。元惡逆大
倫。弗加霹靂斧。此豈曰無私。故予未所取。必恐竊天威。似
將文法侮。焉顧五行錯。詎畏萬物覩。欲扣九門陳。恨身無
鳥羽。

冬日陪胡武平游西余精舍

侵晨霜氣嚴。溪口水已合。鳥榜將進遲。寒篙旋摧拉。遙看
松竹茂。雪屋藏山衲。登臨興都盡。薄暮沿清雪。

送崔主簿赴睦州清溪

舟輕不畏險。逆上子陵灘。七里峽天翠。千重雲木寒。古祠
鳴野鳥。亂石激春湍。正與高懷愜。寧歌行路難。

送潘供奉承勛

與君迹熟情已親。欲將行邁聊感人。舉酒不能効時俗。半
辭苦語資立身。長大實好帶刀劍。曷不往助清邊塵。門戟
雖高豈自有。當思乃祖爲功臣。所宜勇躍發奇策。嘉名定
體庶得真。儻以斯言作狂說。乘肥食脆任青春。

寄題徐都官新居假山

太湖萬穴古山骨。其結峰嵐勢不孤。苔徑三層平木末。河
流一道接墻隅。已知谷口多花藥。祇欠林間落狍麕。誰侍
巾幙此遊樂。里中遺老官相呼。

依韻和武平別後見寄

溪遠檣危一望遙。此焉悽絕府中僚。已同鴈鷺依清淺。共看鸞皇上沈寥。別岸無端繁細柳。迴舟不忍過新橋。醉來事事能生感。誰道愁腸酒易銷。

過華亭

晴雲鳴鶴幾千隻。隔水野梅三四株。欲問陸機當日宅。而今何處不荒蕪。

迴自青龍呈謝師直

其君相別三四年。巖巖瘦骨還依然。唯髭比舊多且黑。學術久已不可肩。嗟余老大無所用。白髮冉冉將侵顛。文章自是與時背。妻餓兒啼無一錢。幸得詩書銷白日。豈顧富貴摩青天。而今飲酒亦復少。未及再酌腸如煎。前夕與君歡且飲。飲纔數盞我已眠。鷄鳴犬吠似聒耳。舉頭屋室皆

左旋起來整巾不稱意。掛帆直走滄海邊。便欲騎鯨去萬里。列缺不借霹靂鞭。氣沮心衰計欲睡。夢想先到蘋渚前。與君無復更留醉。醉死誰能如謫仙。

青龍海上觀潮

百川倒蹙水欲立。不久却迴如鼻吸。老魚無守隨上下。閣向滄州空怨泣。推鱗伐肉走千艘。骨節專車無大及。幾年養此膏血軀。一旦翻爲漁者給。無情之水誰可憑。將作尋常自輕入。何時更看弄潮兒。頭戴火盆來就濕。

社前

欲社先知雨。將歸未見花。那能長作客。夜夜夢還家。

牡丹

洛陽牡丹名品多。自謂天下無能過。及來江南花亦好。絳

紫淺紅如舞娥。竹陰水照增顏色。春服貼妥裁輕羅。時結
游朋去尋玩。香吹酒面生紅波。粉英不忿付狂蝶。白髮強
插成悲歌。明年更開余已去。風雨摧殘可奈何。

觀居寧畫草蟲

古人畫虎雉。尚類狗與鷲。今看畫羽蟲。形意兩俱足。行者
勢若去飛者。翻若逐拒者。如舉臂鳴者。如動腹躍者。趨其
股顧者。注其目。乃知造物靈。未抵毫端速。毗陵多畫工。圖
寫空盈幅。寧公實神授。坐使羣輩伏。草根有織意。醉墨得
已熟。權豪不可致。節行今仍獨。

悼亡三首

結髮爲夫婦。于今十七年。相看猶不足。何況是長捐。我鬢
已多白。此身寧久全。終當與同穴。未敢淚漣漣。

每出身如夢。逢人強意多。歸來仍寂寞。欲語向誰何。窻冷
孤螢入。宵長一鴈過。世間無最苦。精爽此銷磨。
從來有脩短。豈敢問蒼天。見盡人間婦。無如美且賢。譬今
愚者壽。何不假其年。忍此連城寶。沈埋向九泉。

書哀

天旣喪我妻。又復喪我子。兩眼雖未枯。片心將欲死。雨落
入地中。珠沉入海底。赴海可見珠。掘地可見水。唯人歸泉
下。萬古知已矣。拊膺當問誰。憔悴鑑中鬼。

偶書寄蘇子美

君詩壯且奇。君筆工復妙。二者世共寶。一得亦難料。我今
或盈軸。體逸思益峭。有如秋空鷹。氣壓城雀鷁。又如飲巨
鍾。一舉不能釂。既釂心已醉。顛倒視兩曜。吾交有永叔。勤

正語多要。嘗評吾二人。放檢不同調。其於文字間。苦硬與惡少。雖然趣尚殊。握手幸相笑。

送李殿丞通判處州

拜官將近親。不與千里險。沂流上贛水。石亂波驚颭。舟人素已諳。曲折就迴閃。豈虞失便利。倚慣憂亦掩。昔余從平流。悸夢尚成魘。今逢子方去。青絳絲新染。沙頭有堦吏。儻立板方斂。鴻鴈正來翔。競看朱服儼。

蔡仲謀遺鱖魚十六尾。余憶在襄城時。獲此魚。留以

遲歐陽永叔

昔嘗得圓鯽。留待故人食。今君遠贈之。故人大河北。欲膾無庖人。欲寄無鳥翼。放之已不活。烹煮費薪棘。

送蘇子美

勇為江海行。風波曾不懼。但欲尋名山。扁舟無定處。南存鵬若鴟。臉有石若鋸。毒草見人搖。短狐逢影怒。不遐尚苦乖。更遠饒瘴霧。東土乃濱海。蜃鼉仍可怖。殼物怪瑣屑。羸蜺固無數。鹹腥損齒牙。日月復易飮。二方既若此。往矣無久駐。竟當西北來。醉耐炙肥豕。夏不厭漿酪。冬不厭雉兔。勿言專口腹。口腹人所務。天台信奇偉。石橋非坦步。廬岳趣最幽。饑腸看瀑布。此致雖為高。實亦難久慕。君行聽我言。不聽到應悟。

寄淇州致仕李國博

湖上悠然度幾春。勇拋榮祿遂天真。青蒲翠竹圍華屋。白酒黃雞命里人。果下有時乘小駟。兒曹方見擁朱輪。田園歲入千鍾美。官似疎家苦畏貧。

永叔贈酒

天門多奇醞。一斗市錢千。貧食尚不足。欲飲將何緣。豈能以口腹。屈節事豪權。閉戶飽於藜。作詩湧如泉。一日復一夕。醒日常不眠。窮臘忽可怪。雙壺故人傳。呼兒欲自酌。瓦盞無完全。其能養甘脆。而况脩天妍。却令情懷惡。分與富貴偏。收拾不復嘗。排置屋角邊。儻嘉客至。傾倒相與顛。何暇問濃薄。但覺窻扉旋。誰識我爲我。賓主各頽然。始得語且橫。既醉論益堅。曾不究世務。開氣爭古先。畢竟兩未決。辨吻空流涎。嗟我儒者飲。聒耳無管絃。雖云暫歡適。終久還愁煎。自甘不偶死。寧慕金印懸。願頻致此物。勿恤瘡檐肩。

辛著作知西京永寧

躍馬西畿令。家瑩在洛陽。衣霑寒食雨。花發故宮牆。冷淡鳩鳴屋。寬閑水滿塘。送君悲漸老。空憶釣伊魴。

正月十五夜出迴

不出只愁感。出遊將自寬。貴賤依僑匹。心復殊不歡。漸老情易厭。欲之意先闌。却還見兒女。不語鼻辛酸。去年與母出學。母施朱丹。今母歸下泉。垢面衣少完。念爾各尚幼。藏疾不忍看。推燈向壁卧。肺腑百憂攢。

戲寄師厚生女

生男衆所喜。生女衆所醜。生男走四鄰。生女各張口。男大守詩書。女大逐鷄狗。何時某氏郎。堂上拜媪叟。

冬夕會飲聯句

與君數夜飲。唯恐酒盞空。今我苦欲淺。語志難比同。

陳編侑歡適謝景初間誰何魁雄婁臣婢子寒且倦主久

哦不窮燈青屢結花景初煎響時鳴蟲穴鼠暗出沒堯臣

風鷹高雍容水霜覆瓦屋景初貂狐輸貴翁孤床乏暖質

堯臣苦語有淡工咀嚼患芻小景初煨炮驚殼紅落蟾斜

入窾堯臣遠漏微通風醉心欺睡魄景初細書刺昏瞳

呀聞爭犬哮吼厭啼驟撥火亂頰豆附炙雙彎弓乾果硬

逆齒堯臣寒螿酸滿胸枯蛤摩無肉淡脯燒可饗語必造

聖賢樂已過鼓鐘紙窗幸未曙景初絮被令旋縫凍痺兩

股鐵跑抓雙鬢鬚尿既懶溺視虱唯欲烘器皿足缺齧

捧執無妖穉兒女寒不寢堯臣僮僕困欲骨豈無富貴徒

笑此飢寒蹤丈夫固有負道義久已充墨子不黔突堯臣齒輩

郡閣閱書投壺和呈相國晏公

較量人世無窮樂羅列平生未見書聊奉投壺祭征休

言擊劔馬相如畫樓晚去聞寒角縹帙看來落蠹魚日獲

誨言皆舊學不慙貧賤帶經鋤

和欲雪

雪欲漫天落雲初著地垂臂鷹過野健走馬上冰遲公子

多論酒騷人自詠詩都無少年意只卧竹窗宜

四月二十七日與王正仲飲

我來自楚君自吳相遇汎波銜舳艫時時舉酒共笑樂莫

問翳益有與無醉憶曩同吾永叔倒冠落佩來西都是時

豪快不顧俗留守贈榼少尹俱高吟持去擁鼻學雅關付

唱纖腰姝山東腐儒漫側目洛下才子爭歸趨自茲離散

二十載。不復更有一日娛。如今舊友已無幾。歲晚得子欣
爲徒。

月下懷裴如晦宋中道

九陌無人行。寒月淨如水。洗然天宇空。玉井東南起。我馬
卧我庭。帖帖垂頸耳。霜花滿黑鬣。安欲致千里。我僕寢我
廡。相背背兩已。夜深忽驚覺。呼若中流矢。是時興我懷。顧
影行月底。唯影與月光。舉止無猜毀。吾交有裴宋。心意月
影比。尋常同語默。官問世俗子。

同蔡君謨江鄉幾觀宋中道書畫

君謨善書能別書。宣獻家藏天下無。宣獻旣沒二子立。漆
匣甲乙收盈厨。鍾王真蹟尚可觀。歐褚遺墨非因模。開元
大曆名流夥。一一手澤存有餘。行草楷正大小異。點畫勁

宛精神殊。坐中鄰幾素近。視最辨纖悉。時驚吁。逡巡蔡侯
得所得。索研鋪紙纔須臾。一掃一幅太快健。檀溪躍過瘦
的盧。觀書已畢復觀畫。數軸江吳種稻圖。稻苗秧秧水拍
拍。羣鷺矯翼人荷鋤。陂塍高下石籠密。竹樹叅倚荆籬疎。
大車立輪轉流急。小犢欺顧稚子驅。令人頻有故鄉念。春
事况及蠶桑初。虎頭將軍畫列女。二十餘子拖裙裾。許穆
夫人尤窈窕。因誦載馳誠起余。余無書性無田區。美人雖
見身老癯。舉頭事事不稱意。不如倒盡君酒壺。

東城送運判馬察院

春風騁巧如剪刀。先裁楊柳後杏桃。圓尖作瓣得疎密。顏
色又染燕脂牢。黃鸝未鳴鳩欲雨。深園靜墅聲嗷嗷。役徒
開汴前日放。亦將決水歸河槽。都人傾望若焦渴。寒食已

近溝已涸。何當黃流與雨至。雨濺一尺水。一篙都水御史亦卽喜。日夜順疾回輕舠。頻年吳楚水苦旱。一稔未足生脂膏。吾願取之勿求羨。窮身困獸易遯逃。我今出城勤送子。沽酒不惜典弊袍。數途必向睢陽去。太傅太尹皆英豪。試乞二公評我說。萬分豈不益一毛。國給民蘇自有暇。東園乃可資遊遨。

送知和州杜駕部

桐花欲開時。羣囀爭哺兒。但求黃口飫。焉問丹穴飢。常山有四鳥。將飛昔已悲。中間勿殞逝。豈得安其枝。一飲必屣顧。每啄必遲遲。今朝竟矯翼。去向江之湄。銜芹不自食。欲遺孤與雌。此義實已重。莫爲梟所嗤。世俗多嫌忌。我胡爲此詩。此詩美孝悌。持贈杜挺之。

觀何君寶畫

燕馬易畫。吳牛難圖。馬骨應細。牛骨麗。馬毛要密。牛毛疎。麤疎必辨別。細密多模糊。乃知戴嵩筆。能出韓幹徒。幹馬精神在韁勒。嵩牛怒鬪無牽拘。昨日何家觀小軸。縮雖破爛色不渝。二頭相觸角競倚。前脚如跪後脚舒。尾株榻直脊脊蹙。筋力寫盡蹄腕殊。一勝一敗又苦似。勝者狠逐敗者趨。卷窮赤印置小字。置字乃是陶尚書。尚書國初人。愛畫收幾厨。買時不惜金與帛。帛載羊車錢載驢。後世兒孫不能保。賣入窮市無須與。凡目矜新不重故。千錢酬直皆笑愚。四牛遂爲何氏有。裝背入眼天下無。坐中吾儕趣已異。又喜玄女傳兵符。此本實稱閻令畫。下筆簡細容顏殊。三人鬼狀一牛首。八女二十美丈夫。黃帝中間蔭葩蓋。霞

扇錯玳旌擁朱冠。服難知歲月遠。但見儀衛森清都。復觀
鹿臺獨夫受。妲已不笑何由娛。酒池肉林騎行多。剖心斲
脛甚悲吁。數幅吳王宴西子。綵舟張樂當姑蘇。宮娥數百
簇高下。鬢髻一一紅芙蓉。危峰細浪得平遠。前對洞庭傷
大湖。商紂夫差可盡誠。歷世傳玩參盤孟。雕鷹草木不足
記。特詠此事心何如。

送少卿張學士知洪州

朱旗畫舸一百尺。五月長江水拍天。穩去先應望廬岳。暫
來誰復見龍泉。閣經吏部重爲記。山識吳王舊鑄錢。往迹
可尋軍士少。睜書遺逸附青編。

觀楊之美畫

天官乘車建朱旗。赤旛前亞風卷披。二龍緩駕蒼髯垂。印
箱傍挈文籍隨。雙驂推輓如良遲。行從冠服多威儀。水官
自有真龍騎。兩佐並跨鯨尾螭。步趨羣吏怪眼眉。雲生海
面無端涯。雷部處上相與期。人身獸爪負鼓馳。後有同類
挾且搥。次執電鏡風囊吹。青虵有角魚足髻。上下引導神
所施。地官旣失不可知。此畫傳是閻令爲。設色鮮潤筆法
奇。綉理膩滑雞子皮。吳生龍王多裂隳。八軸展玩忘晨炊。
李成山水曉景移。黃荃花竹雀擁枝。韓幹馬本摸搭時。神
駿都失存毫釐。日高腹枵眼皆眩。邂逅獲見何言疲。厚謝
主翁意不衰。他日飽目看無遺。

李審言遺酒

大梁美酒斗千錢。欲飲常被饑窘煎。經時一滴不入口。漱
齒費盡華池泉。昨日靈昌兵吏至。跪壺曾不候報箋。赤泥

多陽詩錄 二十四
坼封傾瓦盎。母妻共嘗婢流涎。鄰家葡萄未結子。引蔓
過高墻。顛當街賣杏已黃熟。獨堆百顆充盤筵。老年牙疎
不喜肉。况乃下筋無腥膾。空腸易醉忽醕醑。倒頭夢到上
帝前。賜臣蒼龍跨入月。不意正值姮娥眠。無人來顧傷玉
兔。便取作腊下九天。拔毛爲筆筆如椽。狂吟一掃一百篇。
其間長句寄東郡。東郡太守終始賢。切莫汲竭滑公井。留
釀此醕時我傳。

送邵郎中知潭州

張鏡疊吹洞庭外。綠虎帶刀蠻帥迎。且諭漢家綏撫厚。莫
言湘守事權輕。木奴洲近霜已熟。班竹林昏野鳥鳴。賈誼
宅遠寒井在。暫留千騎漱餘清。

和江鄰幾景德寺避暑

埴蟻不應雨。鳴鳶不生風。鬱氣若甑炊。初陽如火紅。裸膚
汗交流。脂體膏將鎔。龍頭費挹酌。犢鼻強遮蒙。常畏俗物
來。去避青蓮宮。廣堂鋪琉璃。高簷蔭梧桐。廊壁畫地獄。獄
具鑊鋸春。鐵城何焰焰。鐵林亦彤彤。誰知炮烙死活間。傳
自西域黃面翁。正類人世苦此熱。聲利役使亡西東。京師
貴貨幾椽舍。窮煎相似聒欲聾。屋頭朝爨作飲食。枕底夕
艾驅蚊蟲。宜爾近巷江夫子。賦詩特壓塵土中。

送趙簡議知徐州

鹿車幾兩馬幾匹。軫建朱幡騎鼓弓。雨過短亭雲斷續。鶯
啼高柳路西東。呂梁水注千尋險。大澤龍歸萬古空。莫問
前朝張僕射。毬場細草綠蒙蒙。

晨起裴吳二直講過門云鳳閣韓舍人物故作詩哭

平生交友淚。又哭寢門前。魯叟不言命。楚人空問天。月沉
滄海底。星墮太微邊。莫恨終埋沒。文章自可傳。

送王察推鎮之鄧州

昔向南陽憶洛陽。秋橙初熟半林黃。車過白水沙痕潤。鴈
落鉗盧稻穗長。廢壘漢碑金刻字。古原秦冢石爲羊。太平
羽檄何曾有。賓主相歡菊薦觴。

送李中舍襲之宰南鄭

莫問襄中道路難。襄陽直上幾重灘。蒼煙古柏漢高廟。落
日荒茅韓信壇。出水槎頭一絲挂。穿虹雨脚兩橋殘。土風
大抵如南國。期會先時俗自安。

送石昌言學士

混混拍堤瓜蔓水。軒軒銜尾挂檣船。使君東下只朝夕。父
老走迎無後先。古堞秋耕拾銅鐵。長淮瀑雨入壕蓮。鳴猿
舞鶴仍持去。不憶承明夜直眠。

書南事

大梁國南門。駟騎方騰趨。波波一何急。蠻寇圍番禺。番禺
本無備。前賴魏大夫。大夫築子城。今得守以須。兵雖不滿
萬。閉壁堪指呼。老幼轉木石。壯健操矛弧。廩庫得以完。日
月不易圖。城中舊無井。魏鑿安轆轤。魏由飛語去。不使立
外郭。古稱時有待。淺薄皆謂紆。曲突與爛額。看取報功殊。

七月十六日赴庾直有懷

白日落我前。明月隨我後。流光如有情。徘徊上高柳。高柳
對寢亭。風影亂疎牖。我馬卧其傍。我僕倦屈肘。寂寂重門

扁獨念家中婦。乳下兩小兒。夜夜啼向母。問爺若箇邊。天性已見厚。不嗟羈枕孤。不愧棲禽偶。內有子相憶。外有月相守。何似長征人。沙塵聽刁斗。

飲劉原甫家原甫懷二古錢勸酒其一齊之大刀長五寸半其一王莽時金錯刀長二寸半

主人勸客飲。勸客無天妍。欲出古時物。先請射以年。我料孔子履。久化武庫煙。固知陶氏梭。飛朱風雨天。世無軒轅鏡。百怪爭後先。復聞豐城劍。已入平津淵。聊餽二百載。儻有書畫傳。嗚呼纜十一。便可傾觥船。探懷發二寶。太公新室錢。獨行齊六刀。鎌形未環連。文存半辨齊。皆有模法圓。次觀金錯刀。一刀平五千。其文如此精銅不蠹蝕。肉好鉤婉全。爲君舉酒盡。跨馬月娟娟。

蔡君謨示古大弩牙

黃銅弩牙金錯花。銀闌線齒如排沙。上立準度可省括。箭溝三道前直窠。其度四寸寸五刻。釜光歷歷無纖差。蔡侯出此問誰得。往年客遺來瑯琊。瑯琊築城穿厚壤。旣獲磨洗爭傳誇。莫知歲月孰製作。精妙近世應難加。發機高下在分刻。今人妄射功仍賒。願侯擬之起新法。勿使邊兵死似麻。

寄題周敦美晁瑤洞

仙人采玉驅雄龍。列山剖璞青腔空。因遂爲堂曲爲室。石乳溜壁光玲瓏。仙歸龍去草樹長。蔽翳不復人蹤通。指壇買壘下峰下。洗斲務欲險怪窮。地鱗鹿跡尚莫到。安問樵老諸牛童。古人未得今已得。萬景付與由天公。何當歸來

斂頭角。任從寶我生白虹。陰溪淺水菖蒲綠。下有蝦蟆雙
眼紅。及時佐酒斫兩股。勿使更入明月中。

許生南歸

大盤小盤堆明珠。海估眩目迷精麈。斗量入貢由掇拾。未
必一一疵類無。不貢亦自有光價。此等固知魚目殊。許生
懷文頗所似。暫抑安用頻增吁。倚門老母應日望。霜前稻
熟春紅稔。歸來爛炊多釀酒。洗蕩幽憤傾盆盂。九卿有命
不愁晚。朱邑當年是嗇夫。

送臨江軍監酒李太博

三江卑濕地。北客宦遊稀。霧氣多成雨。雲蒸易損衣。白醪
燒甕美。黃雀下田肥。未辨殊方語。山歌半是非。

送晉原喬主簿

太守登車時。我病不能出。遙期玩海棠。度險馬屢叱。唯畏
行邁遲。惡欲及春日。何爲愛此花。曾非桃李匹。生紅濃復
淺。瘦蒂脩且密。湖傍幾十樹。雕盤擁新漆。酒傾琉璃盆。月
上歡未畢。縣官同遠宦。簿領無督詰。刻意詠芳菲。追補李
杜失。

送樂職方知泗州

長堤凍柳不堪折。窮臘使君單騎行。蘇合輕裘霜莫犯。銅
牙大弩吏先迎。山旁楚賈連檣泊。水上禹書寒磬清。試向
郡樓東北望。煙波千里月臨城。

和劉原甫十二月十日試墨

海神不朝雪不作。大梁塵土蔽天高。道傍牛喘復誰問。佛
寺吹螺空唱嘯。相公跪香恬且伏。陛下減膳心焦勞。因君

試墨偶有激勇辭壯筆揮長刀。予無奈何亦思飲。飲竭甕
甕從舖糟。

十九日出曹門見水牛拽車

只見吳牛事水田。只見黃犂負車輓。今牽大車同一羣。又
與騾驢走長陌。叩頭闕步塵蒙蒙。不似緩耕泥汨汨。一一
夜眠頭向南。越鳥心腸誰辨白。

除夜雪

擊鼓人驅鬼。漫天雪送寒。臘從今日盡。花作舊年看。著樹
多還墮。隨風積更乾。明朝預王會。畏濕兩梁冠。

送宣州簽判馬屯田兼寄知州邵司勳

寒溪翠拖碧玉帶。蒼山晴回蛟骨龍。水邊苦竹抽肥筍。石
上老蕨拳紫茸。泊船繫纜宿明鏡。昭亭廟古攢瘦松。陰風
雨電潭心起。雲遮北嶺如墨濃。田狹浸綠白鷺立。內史出
喜嘉賓從。昔時謝公來賽神。蘭有作椒金作鍾。聯詩姓何
名已失。板蠹粉落蟲鳥蹤。我鄉復傳召南化。磨鏤黑石君
亦逢。

觀拽龍舟懷裴宋韓李

截春流築沙坻。拽龍舟過天池。尾矯矯角岐岐。千夫推萬
鱗隨。驚鴻鵠沉魚龜。春三月輕服時。薄水殿習水嬉。馬特
特來者誰。魏公子人不窺。車轡鱗集其涯。邯鄲倡士交馳。
銀餅索酒傾玻璃。用錢如水贈舞兒。却入上苑看鬪雞。擊
毬彈金無不爲。適聞天子降玉輦。當門虎脚看大旗。春風
吹花入行龕。紅錦百尺爭蛟螭。雲蓋迴絲纜維。明年結客
觀未遲。

答劉原甫

生早多交友。常恨會遇稀。每念相笑語。昨是今或非。重惜向時游。出處苦乖違。從今儻有酒。莫問梨栗微。前夕呼我飲。遣奴來扣扉。暗犯風雪往。醉脫冠服歸。夜來新霽月。清吐萬里輝。劉郎戴幅巾。江叟披褐衣。相過無百步。誰虞竊訶譏。三家若循環。但知具甘肥。

十一日乘拱殿起居聞南捷

二月雪飛雞狗狂。錦衣走馬回大梁。入奏邕州破蠻賊。絳袍玉座開明堂。腰佩金魚服金帶。榻前拜跪稱聖皇。一朝嚴氣變和氣。初令漏泄飛四方。將軍曰青才且武。先斬逗撓兵後強。從來儒帥空賣舌。未到已愁茆葉黃。徘徊嶺下自稱疾。詔書切責仍勉當。因人成功喜受賞。親戚便擬封

侯王。昔日苦病今不病。銅鼓弄擲無鏢鎗。

十五日雪三首

寒令奪春令。六花侵百花。塘水膠鸞觜。野水澀芹牙。擁柱輕於絮。吹墀淨若沙。乳禽饑啄木。誰恨撥琵琶。新雷奮地甲。密雪鬪鵝毛。正欲裁輕縠。重令著弊袍。沙泉流復凍。煙萼坼還韜。只待鄰醅熟。微聲聽酒槽。春風九十日。一半已銷磨。準擬看花少。依稀詠雪多。官車猶載炭。菟鵲不離窠。向此興都盡。戴家誰復過。

淘渠

開春溝畎春泥。五步掘一壟。當塗如壞堤。車無行轍馬無蹊。遮截門戶雞犬迷。屈曲措足高復低。芒鞋苔滑雨淒淒。老翁夜行無子攜。眼昏失脚非有擠。明日尋者爾瘦妻。手

提幼女哭嘶嘶。金吾司街務欲齊。不管人死獸顛啼。

京師逢賣梅花五首

北土只知看杏蕊。大梁亦復賣梅花。此心還似庾開府。不惜金錢買取誇。

驛使前時走馬廻。北人初識越人梅。清香莫把茶蘼比。只欠溪頭月下杯。

憶在鄱君舊國傷。馬穿脩竹忽聞香。偶將眼趁蝴蝶去。隔水溪深幾樹芳。

曾見竹籬和樹夾。高枝斜引過柴扉。對門獨木危橋上。少婦髻鬟猶戴歸。

此去吾鄉二千里。不看素萼兩三年。移根種子誰辛苦。上苑偷來值幾錢。

送胥平叔寺丞赴洛

單車細馬出虎牢。春雲黓黓百舌豪。穀雨已近花欲盡。秉燭夜飲朝坐曹。因君重思昔日歡。醉筆狂掃嵩丘高。于今零落二十載。縱在各各歎二毛。試採上陽何首烏。刮切仍致苦竹刀。俗情相望亦異此。競欲折筍籠含桃。

送胡公疎之金陵

綠蒲作帆一百尺。波浪疾飛輕鳥翮。瓜步山傍夜泊人。石頭城邊舊遊客。月如水輪出海來。江波千里無物隔。自古有恨洗不盡。于今萬事何由白。依稀可記鮑家詩。寂寞休尋江令宅。楊花正飛鮭魚多。食膾舉酒謝河伯。但令甘肥日飽腹。誰用麒麟刻青石。去舸已快風亦便。寧同步兵哭車軌。

送汝陰宰孫寺丞

編郎唱擗鸞尾下。頽水落日虵鱗生。綠蒲被岸漁網舉。黃鳥啄甚縲車鳴。吏無詬租官正來。不借魴鱖與吏烹。饋吏人情見里黨。官非喜慢知官清。

吳沖卿出古飲鼎

精銅作鼎土不蝕。地下千年薜花繁。腹空鳳卵留藻文。足立三刀刃微直。左耳可執口可斟。其上兩柱何對植。從誰發掘歸吳侯。來助雅飲歡莫極。又荷君家主母賢。翠羽胡琴令奏側。絲聲不斷玉箏繁。繞樹黃鸝鳴不得。我雖衰菜爲之醉。玩古樂令人未識。

二十四日江鄰幾邀觀三館書畫錄其所見

五月秘府始暴書。一日江君來約予。世間難有古畫筆。可往共觀臨石渠。我時跨馬冒熱去。開厨發匣鳴鑰魚。羲獻墨迹十一卷。水玉作軸光疏疏。最奇小楷樂毅論。永和題尾付官奴。又看四本絕品畫。戴嵩吳牛望青蕪。李成寒林樹半枯。黃荃工妙白兔圖。不知名姓貌人物。二公對奕旁觀俱。黃金錯鏤爲投壺。粉障復畫一病夫。後有女子執巾裾。牀前紅氍毹。平圍爐。牀上二姝展氍毹。繞牀屏風山有無。畫中見畫三重鋪。此幅巧甚意思殊。孰真孰假丹青模。世事若此還可吁。

依韻和原甫月夜獨酌

月下馬蹄休擾擾。夜涼蟲響競囀囀。一杯獨飲愁何有。孤榻無人膝自搖。北斗柄高天漸轉。小冠簪冷髮微凋。誰知靜對頽然影。竟夕幽懷豈易聊。

與蔣祕別二十六年田棊二十年羅拯十年始見之
我今五十二嘗苦離別煎屈指數離別正去一半年三君
異出處相見有後先蔣最會遇早羅倍晚於田仕宦比我
遲官資居我前此亦漫輕量無限歸荒埏所喜笑語同各
驚顏貌遷髮有霜華侵目有蜘蛛懸有酒易以醉有奚徒
用妍醒來念功名病蟪希蜿蜒安得有園廬寬閑近林泉
養魚數千頭種薤三四屢餘蔬皆稱此嘉果值亦然既無
俗造請窮冬事高眠困貯白粳稻酒沾青銅錢飯過引數
杯令兒誦嘉篇仰首看赤日區區隨天旋朝見出滄海暮
見入虞淵畢竟將何窮磨滅愚與賢億億萬萬載筋骨非
玉堅桐棺三寸厚在昔誰免焉去去欲及時嗟嗟無由緣
飲劉原甫舍人家同江鄰幾陳和叔學士觀白鵬孔

雀鳥鼎周亞夫印鈿玉寶赫連勃勃龍雀刀

主人鳳皇池二客天祿閣共來東軒飲高論雜談詭南籠
養白鵬北籠養孔雀素質水紋織翠毛金縷薄大誇鳥柄
鼎不比龍頭杓玉印傳條侯字辨亞與惡鈿劍刻辟邪符
寶殊制作未觀赫連刀龍雀鑄環鏐每出一物玩必勸衆
賓酌又令三雲髻行酒何婢約固非世俗躡自得閱古樂
聖賢泯泯去安有不死藥竟知不免此烏用強檢縛開目
卽是今轉目已成昨歸時見月上酒醒見月落恍然如夢
寐前語誠不錯

劉涇州以所得李士衡觀察家號蟾蜍硯其下刻云

天寶八年冬端州刺史李元德靈卯石造示劉原
甫原甫方與予飲辨云天寶稱載此稱年僞也遂

作詩予與江鄰幾諸君和之

硯如剗。摹腹如月。又若剗瓢。萌強發。鐫題天寶年造之。刺
史李元傳自越。剗摹。剗瓢。我莫分。稱載作年初。辨君若雖
能辨。猶曰寶。原甫詩云。李侯寶。茲偽物。吾何云。仰天大笑。
飲君酒。硯真硯。偽休開口。願封漆。匣還與侯。請共江翁獨
持守。江詩云。劉侯寶此物。志慎勿將心。遂名轉。

次韻和景葵閏臘二十五日省宿

君嘗納史似。吳兢又直甘泉馬。踏冰重臘雪花方漫漫。宿
廳書架自層層。案頭美酒初溫火。簾底微風欲動燈。永夜
未眠鐘已發。此心閑寂是高僧。

次韻和永叔新歲書事見寄

尖風細細欲穿簾。殘雪微銷凍結簷。盞裏醇醪無限滿。鏡
中白髮不知添。妍童喜舞開羅幕。小吏愁慙入硯蟾。幸得
從公持直筆。定應無復歎齏鹽。

李廷老祠部寄荆柑子

踏雪衝風馳小吏。帶霜連葉寄黃柑。瓣包欲咀牙全動。舉
盞逢衰酒易酣。書尾自題知遠意。筆頭親答厭多談。故人
莫覓新詩卷。都似嵇康七不堪。

韻語答永叔內翰

世人作肥字。正如論饅頭。厚皮雖然佳。俗物已可羞。字法
歎中絕。今將五十秋。近日稍稍貴。追蹤慕前流。曾未三數
人。得與古昔儔。古人皆能書。獨其賢者留。後世不推此。但
務於書求。不知前日工。隨紙泯已休。顏書苟不佳。世豈不
寶收。設如楊凝式。言且直節脩。又苦李廷中。清慎實罕侔。

乃知愛其書兼取爲人優。豈書能存久。賢哲人焉廋。非賢必能此。惟賢乃爲尤。其餘皆泯泯。死去同馬牛。太尹歐陽公。昨日喜疾瘳。信筆寫此語。謂可忘病憂。黃昏走小校。寄我東郭陬。綴之輒成篇。聊以助吟謳。

次韻和長文社日禘祀出城

曉出春風已擺條。應逢社伯馬蹄驕。壇邊宿雨微霑麥。木上殘冰壅過橋。鷺子飛來依約近。鴈行歸去試教調。北扉西掖多才思。相與飄飄在沈寥。

次韻和長文禘祀郊外見寄并呈韓子華

鶉鴝知雨在桑中。雄逐雌飛自不同。胡粉未生輕蝶白。燕脂先綻野櫻紅。高高樹裏鞦韆月。獵獵牆頭蓓蕾風。曉下祠壇多寄咏。衣冠方侍大明宮。

送馬行之都官

昭亭山下送君時。不畏西行劍棧危。策馬跨來身更健。吳船乘去計非遲。錢塘湖上尋雲屋。巾子峰前種槿籬。此趣已高天下士。不須功業似鸚夷。

次韻和永叔石枕與笛竹簟

溪上枕剖龍卵石。蘄區葦製虵皮紋。客從東方一持贈。竹色蒸青石抱雲。磨沙斲骨自含潤。飽霜弔節無留塵。京師貴豪空有力。六月耐此炎蒸劇。早風赤日吹熱來。大厦高簷任雕飾。頭臚汗匝無富貧。雖有頌水論官職。官高職重水則多。日永冰消難更得。唯公掃室施枕簟。迎涼自感東方客。東方客應非俗昏。能使賢人心體適。賢人何以偏伏人。天下才名方赫赫。我吟困窮不可聽。晝夜蚊蚋蒼蠅聲。

蠅如遠鷄耳初感。蚊若隱雷空際鳴。葛厨頂綻屋蝸墮。管
席中裂麻經橫。平生賦分只煎炒。安有綠玉琉璃清。猶勝
昔年杜子美。老走耒陽牛。餓死因思楊惲廢時言。但願人
生行樂爾。公今事業在朝廷。去就尤當慎終始。待公睡足
秋風來。去奉高談揮塵尾。

次韻和景葵省闈宿齋

晝日南宮雨後涼。齋嚴官重靜於常。庭前鬪雀墮還起。欄
下秋花落自香。看盡雲容天漏碧。讀殘書帙卷披黃。九衢
塵土莫能到。蕭瑟微風葉響廊。

次韻和景葵對月

蕭蕭風雨變涼意。索索晚雲開斗晴。已洗浮埃天外靜。忽
生圓月樹頭明。草根蟲穴吟來久。屋角星河落更清。我媿

西垣侍臣比。影寒霜髯兩三莖。

次韻答吳長文內翰遺石器八十八件

山工日斷器。殊匪事樵牧。掘地取雲根。剖堅如剖玉。食具
與果具。待賓良有勗。亦將茶具并。飽啜時出俗。公何都贈
予。金多不入目。我家固宜之。瓦椀居漏屋。得此尤稱窮。客
來無不足。唯應赤脚婢。收拾怨常酷。夏席堆青蘘。冬盤釘
旨蓄。竟無梁肉饌。甚媿蕭家錄。

送番禺杜杆主簿

行識枕榔樹。初窺翡翠巢。地蒸蠻雨接。山潤海雲交。訟少
通華語。蟲多入膳庖。不須思湖雪。梅吐臘前梢。

次韻和永叔飲余家詠枯菊

今年重陽公欲來。旋種中庭已開菊。黃金碎翦千萬層。小

樹婆娑嘉趣足。鬢頭插藥惜光輝。酒面浮英愛芬馥。旋種
旋摘趁時候。相笑相尋不拘束。各看華髮已垂顛。豈更少
年苔色綠。自茲七十有三日。公又聯鑣入余屋。皆傍猶見
舊枯叢。根底青芽歎催促。但能置酒與公酌。獨欠琵琶彈
啄木。所歡坐客盡豪英。槐上凍鴟偷側目。盤中有肉鴟伺
之。烏鳥不知啼背曲。諸公醉思索筆吟。吾見暗寫千毫禿。
明日持詩小吏忙。未解宿醒聊和屬。

和王景莢正月十四日夜有感

燈光暖熱夜催春。天半樓開飲近臣。馳道橫頭起山岳。露
臺周匝簇車輪。隔簾艷色多相照。下馬輕豪各競新。我已
暮年殊趣嚮。濃油一盞按邊身。

次韻和永叔雨中寄原甫舍人

賴得春巢鷺未歸。言向簷終日雨。衰衰細籠芳草踏青後。欲
打梨花寒食時。美景已嗟空過盡。名園猶許悞相隨。錦鞍
切莫九衢去。拍拍一如鵝鴨池。社日曾慎赴北園

和劉原甫復雨寄永叔

堦下青苔欲染衣。晴光纔漏又霏微。衝風鷺子啣泥去。隔
樹鶉鴒嘖婦歸。乍冷乍陰將禁火。自開自掩不關扉。渾身
酸削懶能出。莫怪與公還往稀。

送羅職方知秀州

陸雲嘗誇千里莼。便輕羊酪同埃塵。君今得郡正千里。已
患無羊厭此珍。乃知南北各所樂。乘舟不如乘馬惡。水邊
不見秦羅敷。縱有西施肌肉薄。使君事事未稱意。綠水笑
蓉定何若。

寄懷劉使君

五

昔我從仲父。三年在河內。春游丹水上。花竹弄粉黛。人誇走馬來。盡眼看沒背。薄暮半醉歸。插花紅簇隊。使君今少年。時往勸耕耒。安行過樹下。野杏正破額。何不學山公。酌酒還倒載。令人知使君。心膽不瑣碎。切莫懲婦翁。慷慨臨并代。一朝由謫謫。雖去民苦愛。實計幸不幸。豈較進與退。因書寄此懷。繩墨老且悔。

寄汝上

大第未嘗身一至。人猜巧宦我應非。彈冠不讀先賢傳。說劍休更短後衣。瘦馬青袍三十載。故人朱轂幾多違。功名富貴無能取。亂石清泉自憶歸。

諭鳥

百鳥共戴鳳。惟欲鳳德昌。願鳳得其輔。咨爾孰可當。百鳥告爾聞。惟鳥最靈長。乃呼鳥與鵲。將政庶鳥康。鳥時來佐鳳。署置且非良。咸用所附已。欲同助翱翔。以鸞代鴻鴈。傳書識暄涼。鸚鵡代鸚鵡。剔舌說語詳。禿鶴代老鶴。乘軒事昂藏。野鶉代雄雞。爪觜稱擅場。雀豹代鵬鶚。搏擊肅秋霜。蝙蝠嘗入幕。捕蚊夜何忙。老鴟啄臭腐。盤飛使游揚。鴟與梟。待以爲非常。一朝百鳥厭。讒鳥出遠方。鳥伎亦止此。不敢戀鳳傍。養子頗似父。又貪噪豺狼。爲鳥鳥不伏。獸有爲爾戕。莫如且斂翮。休用苦不量。吉凶豈自了。人事亦交相。

答裴送序意

我欲之許子有贈。爲我爲學勿所偏。誠知子心苦愛我。欲

我文字無不全。居常見我足吟詠。乃以述作爲不然。始曰
子知今則否。固亦未能無諭焉。我於詩言豈徒爾。因事激
風成小篇。辭雖淺陋頗剋苦。未到二雅未忍捐。安取唐李
二三子。區區物象磨窮年。苦苦著書豈無意。貧希祿廩塵
俗牽。書辭辯說多碌碌。吾敢虛語同後先。唯當稍稍緝銘
誌。願以直法書諸賢。恐子未諭我此意。把筆慨嘆臨長川。

薛九公期請賦山水字詩

薛公堂懸山水字。請我試作山水詩。呼童磨墨慰君意。強
作安得有好辭。昔年曾是杜陵客。東城水上橫此碑。字方
數尺形勢健。豈似取次筆畫爲。東城父老語於我。推本朔
自開元時。不知當時何所用。費功鑿刻爲瓌奇。我去長安
十載後。此石誰輦來京師。苑中構殿激流水。暮春脩禊浮
酒卮。是時詞臣出不意。酒半使賦或氣萎。只辨鳴蹕不可
駐。未就引去加鞭笞。脫我幸得預此列。玉階立寫從然其。
今雖下筆不稱意。已書滿幅令君嗤。

韓欽聖問西洛牡丹之感

韓君問我洛陽花。爭新較舊無窮已。今年誇好方絕倫。明
年好更還相比。君疑造化特着意。果乃區區可羞耻。嘗聞
都邑有勝意。既不鍾人必鍾此。由是其中立品名。紅紫葉
繁矜色美。萌芽始見長蒿萊。氣焰旋看壓桃李。乃知得道
偶增異。遂出羣葩號奇偉。亦如廣陵多芍藥。閭井荒殘無
可齒。淮山邃秀付草樹。不產髦英產佳卉。入於天地亦一
物。固與萬類同生死。天意無私任自然。損益推遷寧有彼
彼盛此衰皆一時。豈關覆燾爲偏委。呼兒持紙書此說。爲

我緘之報韓子

初冬夜坐憶桐城山行

我昔吏桐鄉。窮山使屢躡。路險獨後來。心危常自怯。下顧雲容容。前溪未可涉。半崖風颭然。驚鳥爭墮葉。脩蔓不知名。丹竇坼在茲。林端野鼠飛。緣挽一何捷。馬行聞虎氣。豎耳鼻息歛。遂投山家宿。駭汗衣尚浹。歸來撫童僕。前事語妻妾。吾妻常有言。艱勤壯時業。安慕終日閒。笑媚看婦歷。自是甘努力。于今無所懼。老大官雖暇。失偶淚滿睫。書之空自知。城上鼓三疊。

雪後資政侍郎西湖宴集偶書

潭心不凍處。鴈鷺自相依。積雪正無際。因風忽起飛。初驚如避弋。復下信忘機。偶得從公飲。聊書此景歸。

元日

昔遇風雪時。孤舟泊吳埭。江潮未應浦。盡室坐相對。行庖得海物。鹹酸何瑣碎。久作北州人。食此欣已再。是時值新歲。慶拜乃唯內。草率具盤餐。約畧施粉黛。舉杯更獻酬。各爾祝鮒肯。咀橘齒病酸。目已驚老態。豈意未幾年。中路苦失配。嘉辰衆所喜。悲淚我何耐。曩歡今已哀。日月不可賴。前視四十春。空期此身在。世事都厭聞。讀書未忍退。過目雖已忘。寧捨心久愛。何當往京口。竹里翦荒穢。行歌樂暮節。薪菽甘自刈。

寄滁州歐陽永叔

昔讀韋公集。固多滁州詞。爛熳寫風土。下上窮幽奇。君今得此郡。名與前人馳。君才比江海。浩浩觀無涯。下筆猶高

帆十幅美滿吹一舉一千里只在頃刻時尋常行舟艫傍岸撐牽疲有才苟如此但恨不勇爲仲尼著春秋貶骨嘗苦筮後世各有史善惡亦不遺君能切體類鏡照嫫與施直辭鬼膽懼微文姦魄悲不書兒女書不作風月詩唯存先王法好醜無使疑安求一時譽當期千載知此外有甘脆可以奉親慈山蔬采筍蕨野膳獵麋麋鱸膾古來美臯芻今且推夏果亦瑣細一一舊頗窺圓尖剝水實青紅摘林枝又足供宴樂聊與子所宜慎勿思北來我言非狂癡洗慮當以淨洗垢當以脂此語同飲食遠寄入君牌

樊推官勸予止酒

少年好飲酒飲酒人少過今旣齒髮衰好飲飲不多每飲輒嘔泄安得六府和朝醒頭不舉屋室如盤盪取樂反得

病衛生理則那予欲從此止但畏人譏訶樊子亦能勸苦口無所阿乃知止爲是不止將如何

感春之際以病止酒水丘有簡云時雨乍晴物景鮮

麗疑其未是止酒時因成短章奉答

東風固無迹何處見春歸土逐草心圻雨兼花片飛雖憐柔甲長只恐艷條稀君但惜晴景休言止酒非

答宋學士次道寄澄心堂紙百幅

寒溪漫楮春夜月敲水舉簾勻割暗焙乾堅滑若鋪玉一幅百錢曾不疑江南老人有在者爲予嘗說江南時李主用以藏秘府外人取次不得窺城板猶存數千幅致入本朝誰謂奇漫堆閑屋任塵土七十年來人不知而今制作已輕薄比於古紙誠堪嗤古紙精光肉理厚適歲好事亦

安陽詩金 四十一
稍推五。六年前。吾永叙。贈予兩軸。令寶之。是時頗叙此本。末遂號澄心堂紙詩。我不善書。心每愧。君又何此。百幅遺。重增吾報。不敢拒。且置。縑箱何所為。

春寒

春晝自陰陰。雲陰薄更深。蝶寒方斂翅。花冷不開心。亞樹青帘動。依山片雨臨。未嘗辜景物。多病不能尋。

答韓三子華韓五持國韓一玉汝見贈述詩

聖人於詩言。曾不專其中。因事有所激。因物興以通。自下而磨上。是之謂國風。雅章及頌篇。刺美亦道同。不獨識鳥獸。而為文字工。屈原作離騷。自京其志窮。憤世嫉邪意。寄在草木蟲。邇來道頗喪。有作皆空。空煙雲寫形象。葩卉詠青紅。人事極諛諂。引古稱辯雄。管唯切。偶榮利。囚被蒙。

遂使世上人。只曰一藝充。以巧比戲奕。以聲喻鳴桐。嗟嗟一何陋。甘用無言終。然古有登歌。緣辭合徵宮。辭由士大夫。不出於瞽矇。予言與時華。難用猶篤癩。雖唱誰能聽。所遇輒瘖聾。諸君前有贈。愛我言過豐。君家好兄弟。響合如笙叢。雖欲一一報。強說恐非衷。聊書頽頑石。不敢事磨礱。

前以詩答韓三子華後得其簡因叙下情

前者報君詩。妄說良有以。昔予在京師。多為人所詆。短章然無工。實未甘藝比。因君有過褒。聊且發憤悱。何言敢為師。乃是貴不賤。平常遭口語。攢集猶毒矢。此論苟一出。是非必蜂起。偶爾道瘖聾。多疑已竊指。雖恃不欺衷。恨未致速死。安得二頃田。歸耕曷為耻。誰能事州郡。鷄狗徒聒耳。汝州王待制以長篇勸予復飲酒因謝之。

前因飲酒多。乃苦傷營衛。嘔血踰數升。幾乎成病肺。上念父母老。下念妻兒稚。不死常抱疴。於身寧自貴。樊子來勸我。止酒良有謂。公復遺我詩。責我詞甚毅。指以年齒衰。非酒何養氣。春飲景可樂。夏飲暑可避。秋飲心忘愁。冬飲暖勝被。醉歌人不怪。醉言人不忌。在酒功實多。止酒酒何罪。假如壽九十。今子已半世。不飲徒自苦。未必止爲利。胡日妄與真。恐乖達者意。屈原吟澤畔。方悟獨醒累。子居今之時。安免人病議。是以告子勤。子守亦謬計。我讀纔一過。不覺顏起愧。自茲願少飲。但不使疾熾。書此以謝公。公言誠有味。

洛陽牡丹

古來多貴色。歿去定何歸。清魄不應散。艷花還所依。紅樓

金谷妓。黃值洛川妃。朱紫亦皆附。可言人世稀。

和歐陽永叔啼鳥十八韻

南方窮山多野鳥。百種巧口乘春鳴。深林參天不見日。滿壑呼嘯誰識名。但依音響得其字。因與爾雅殊形聲。我昔曾有禽言詩。粗究一二啼喙情。苦竹岡頭泥滑滑。君時最賞趣。向精餘篇亦各有思致。恨未與盡衆鳥評。君今山郡日無事。靜聽鳥語如交爭。提壺相與來勸飲。戴勝亦助能勸耕。我念此鳥頗有益。如欲使君勤以行。勸耕幸且強職事。勸飲亦冀無獨醒。杜鵑蜀魄哭歸去。小人懷土慎勿聽。城頭春鳩自謂拙。鵲巢輒處安得平。高窠喬木美毛羽。哢吭葉底無如鶯。口中調簧定何益。下啄蚯蚓孰曰清。自餘多類不足數。一一推本煩神靈。我居中土別無鳥。老鴉鸚

微生守貧賤。文字出肝膽。一爲清潁行。物象頗所覽。泊舟
寒潭陰。野興入秋蕤。因吟適情性。稍欲到平淡。苦辭未圓
熟。刺口劇菱芡。方將挹溟海。器小已激灑。廣流不拒細。愧
抱獨慊慊。疲馬去軒時。戀嘶芻秣減。茲繼周南篇。短撓寧
及艦。試知不自量。感涕屢揮摻。

述中寄上尚書晏相公二十韻

驚飈入林鴉。亂飛舞空落。葉相追隨。秋權摧物不見跡。但
使萬古生愁悲。登山臨水昔感別。身作旅人安得宜。單舟
匹婦更無娣。朝食每愧婦親炊。平生獨以文字樂。曾未敢
耻貧賤爲官雖。寸進實過分。名姓已被賢者知。疎愚生不
謁豪貴。守此退縮行將衰。潁州相公乘道德。一見不以論

高甲久調元。化費精力。猶且未倦。刪書詩。唐之文章。別蕪
穢。纖悉寧有差毫釐。請其耽學。可與語。便語淵奧。祛佹疑。
浮言近意。不歷口。直欲海窟。拳蛟螭。再拜膝前。荷勤誨。垂
橐。稠載歸。忘饑解艇。水驛無幾舍。新詩又遣牙兵持。上言
行李。覽物景。聊可與婦陳酒卮。下言狂斐。頗及古。陶韋比
格。吾不私。相公貴且事翰墨。我輩豈得專遊嬉。今將蒿芹
薦俎豆。定亦不以微薄遺。令有詠無巨細。當因川陸舟
車貽。日對順流思疾置。茲怯潛鱗暑。

奉和子華持國玉堂飲西軒

我誠官局冷。終日事靡補。耽古人書。似與世俗隔。同道
三四人。來過慰飢渴。迭相語言。曾未厭刀咀。日午將過
脯。留飯具麤糲。薄酒旣以。不覺寒日沒。愚妻方罷沐。供

飲愧倉卒。凍婢昧煎。和親調首。忘彘每食。各驚顧。誰謂不
黔突。倦僕暖吾薪。飢馬飽吾秣。馬無歸嘶聲。僕有顏色活。
安穩不知疲。明缸仍爲撥。醉言實無次。曾未窮本末。諸君
競相先。出口論莫奪。復云天地間。此能有幾達。我聞顏汗
下。恐後謗難遏。其間常有言。但未見疵鬻。終當輕有若。悔
目已屢眦。莫入反信哉羣玉林。豈得依朽枿。吾心爲之然。收
舌如斷割。寄音謝豪俊。茲蘊只圭撮。

依韻和持國新植西軒

開池臨廣衢。崇崇十餘畝。新軒稍偏北。治圃亦西酉。盎中
植菡萏。水不過升斗。小桂未得地。驗活徒指朽。上乏幽禽
啼。下多穴蟻走。藥苗雖無補。欲比山中有。澆灌同一時。萌
芽或先後。松株不滿尺。廊廟色已厚。稟性久且堅。物理豈

無偶。櫻欄仍未大。散葉纔八九。夏綠與冬青。各各自爲友。
吾軒還處西。脩竹爾後取。兩莫論是非。但可吟對酒。

送韓八太祝歸京師求醫

少年潔而腴。茸茸領有鬚。冒熱跨馬去。去去天王都。借問
去何謂。就醫將疾驅。客曰實誑我。健壯其非夫。敢告固不
給。但怪所見愚。脊者未必病。病者未必癯。天馬不着肉。日
走萬里途。山熊豈無膏。養體唯恐痛。滯結在於內。安得形
肌膚。厥貌雖美好。厥疾勿須更。療之欲其漸。熾之非愛軀。
此行不飲別。安得持酒壺。

同諸韓及孫曼叔晚遊西湖二首

晚日城頭落。輕鞍菓下涼。野蜂銜水沫。舟子剝菱黃。木老
識秋氣。徑幽聞草香。幅巾聊去檢。不作楚人狂。

樂電未成雨。涼風先入衣。青天忽開影。紅日尚餘輝。
作團起蜻蜓。相戴飛嘲謔。不覺夕跨馬。月中歸。

七月二十一夜聞韓玉以宿城北馬鋪

暗樹秋風擺葉鳴。桃枝竹簾冷逾清。孤燈淡淡短亭客。半夜蕭蕭聞雨聲。

得曾鞏秀才所附除州歐陽永叔書答意

客從淮上來。往問故人信。袖銜藤紙書。題字遠已認。既喜開其封。固覺減吾吝。新詩不作寄。乃見子所慎。向來能如今。豈有得觀疊。南方歲苦熱。生蝗復饑饉。憂心日自勞。霜髮應滿鬢。知予欲東歸。曉夕目不瞬。貧難久待乏。薄祿藉霑潤。雖爲委吏冗。亦自甘以進。相望未得親。終朝如抱疹。裴如晦自河陽至。同韓玉汝謁之。

朝聞單騎歸。徑走至其第。扣門童僕頑。拒我色甚戾。不顧遂登堂。有馬堂下繫。辨詐大呼卿。稍應西屋際。逡巡冠帶出。青綬何曳曳。有似縮殼龜。藏頭非得計。况與二三子。交分久已締。怒爾避客尤。新還復新婚。

鴨雛

春鴨日浮波。羽冷難伏卵。嘗因雞抱時。託以鷄窠暖。三旬殼既圻。乳毛寒脛短。雞寧辨其雛。翅擁情欸欸。一日向水涯。所稟殊未斷。泛然去中流。雞呼心寔寔。人之苟異懷。負義不足算。有志在養毓。勿論報德限。

杜挺之贈端溪圓硯

雪壓古寺深。中有卧病客。訪之語久清。飢馬齧庭栢。按頭蠻溪硯。其狀若圓璧。指此欲爲贈。而將助吟席。非意予敢

貪既拒頗不懌。大出楮中有。素許當自擇。強持慰勤心。歸以示朋戚。晒曰豈其然。爲汲寒泉滌。滌彼僞飾物。紙乾見頑石。清晨走髯奴。無厭願求易。拜賜遂如初。明月懷吞蝕。微分鸚目瑩。尚漬墨花碧。詞答謂我愚。悔復料已逆。明日未央朝。執手笑啞啞。

對雪憶往歲錢塘西湖訪林逋三首

昔乘野艇向湖上。泊岸去尋高士初。折竹壓籬曾礙過。却穿松下到茅廬。旋燒枯栗衣猶濕。去愛峰前有徑開。日暮更寒歸欲懶。無端撩亂入船來。樵童野犬迎人後。山葛棠梨案酒時。不畏尖風吹入牖。更教牀畔覓鴟夷。

寄題滁州醉翁亭

琅琊谷口泉。分流漾山翠。使君愛泉清。每來泉上醉。醉纓濯潺湲。醉吟異憔悴。日暮使君歸。野老紛紛至。但留山鳥啼。與伴松間吹。借問結廬何。使君游息地。借問醉者何。使君閒適意。借問鑄者何。使君自爲記。使君能若此。吾詩不言刺。

送張太博通判袁州

君非身尤謫南州。南方尚鬼其俗媮。虵爲鄰虎爲陳。丹茅苦竹深幽幽。邑人祠鬼拜古樹。竹杯一仰來烹牛。牛死齧懼常不幸。誰得禁止專鋤鉤。借曰未信君且往。民將語怪君聽不仰。山頭有行舟。

古鑑

古鑑得荒塚。土花全未磨。背菱尖尚在。鼻獸角微訛。月暗
蝦蟆蝕。塵昏魍魎過。但令光彩發。表裏是山河。

戊子三月二十一日殤小女稱稱三首

生汝父母喜。死汝父母傷。我行豈有虧。汝命何不長。鴉雛
春滿窠。蜂子夏滿房。毒螫與惡噪。所生遂飛揚。理固不可
詰。泣淚向蒼蒼。

蓓蕾樹上花。瑩潔昔嬰女。春風不長久。吹落便歸土。嬌愛
命亦然。蒼天不知苦。慈母眼中血。未乾同兩乳。

高廣五寸棺。埋此千歲恨。至愛割難斷。剛性到以鈍。淚傷
染衣斑。花惜落蒂嫩。天地既許生。生之何遽困。

送施景仁太博提點江南坑冶

楚山豈無銅。楚匠豈不工。大鑪常乏鑄。碧井那得充。積弊

在鄉縣。孰宜以利籠。君今承詔行。論民當得中。苟能使之
發。亦莫取之窮。此乃事可久。山溪山自通。

夜泊虹縣同施景仁太博河上納涼書事

與君愛清風。移榻就明月。月落見星繁。星繁如晝熱。露衣
輕露墜。響岸崩端齧。坐思都城時。謹許脚不韞。

淮雨

雨脚射淮鳴。萬鏃跳點起。漚魚亂目濕。帆遠遠來未收。雲
漏斜陽生半幅。

雜詩絕句十七首

自此寶應道中起慶曆七年夏

蛙行動萍葉。悞觀作游魚。稍稍引兩股。已變科斗書。
青草生水中。日日隨水長。水落何所依。撩亂爲宿莽。
有蟲託斷葑。斷葑日夕流。不知止息處。隨天非自由。

荒水浸籬根。籬上蜻蜓立。魚網挂遶籬。野船籬外入。
茸茸翦熟絲。雨染燕脂暈。蒲樹斂黃昏。槿花無此分。
青青老鏡葉。下有繁實尖。浪頭撥船女。刺手終不嫌。
岸傍草樹密。往往不知名。其間有啼鳥。似與船相迎。
青蠅何處來。聚集滿盤間。誰知腹中物。變化如循環。
水上賣瓜女。摘瓜陂上田。長麻已不識。蒲把青銅錢。
買魚問水客。始得鯽與魴。操刀欲割鱗。跳怒鬚鬣張。
沙頭風雨來。帖水野雲黑。如觀曹公營。萬弩射船側。
前時雙鴛鴦。失雌鳴不已。今更作雙來。還悲舊流水。
度水紅蜻蜓。傍人飛款款。但知隨船輕。不知船去遠。
塘上挽船人。塘泥滾及脛。落日望前村。心將道途競。
燕立茅屋脊。燕啣芹岸泥。巢成同養子。薄暮亦同棲。

鵲銜高樹蟬。危脇縲車響。露腹不曾肥。殺之嗟已狂。
河畔有釣翁。團泥爲甕缶。坐想秦人聲。思傾杜陵酒。

禍山磯上港中泊

風惡舟難進。聊依浦裏村。岸潮生蓼節。灘浪聚蘆根。日脚
看看雨。江心漸漸昏。篙師知蟹窟。取以助清樽。

別後寄永叔

前日辭親淚。又爲別友出。愁極反無言。欲言詞已窒。荷公
知我詩。數數形美述。茲道日未墮。可與古爲匹。孟盧張賈
流。其言不相昵。或多窮苦語。或恃事豪逸。而於韓公門。取
之不一律。乃欲存此心。欲使名譽益。竊比於老郊。深愧言
過實。然於世道中。固且異謗嫉。交情有若此。始可論膠漆。
宿邵埭聞雨。因買藕茨。人廻呈永叔。

秋雨雁來急。夜舟人未眠。亂風燈不定。暝色樹相連。寒屋
猛添響。濕窓愁打穿。明朝持藕使。書此寄公前。

寄許主客

昨日山光寺前雨。今朝邵伯堰頭風。野雲不散低侵水。魚
艇無依尚蓋蓬。藕味初能消酒渴。蓼芳猶愛照波紅。揚州
有使急迴去。敢此寄聲非塞鴻。

岸貧

無能事耕獲。亦不有鷄豚。燒蚌燖槎沫。織蓑依樹根。野蘆
編作室。青蔓與爲門。稚子將荷葉。還充犢鼻褌。

村豪

日擊收田鼓。時稱大有年。爛傾新釀酒。包載下江船。女髻
銀釵滿。童袍毳氎鮮。里胥休借問。不信有官權。

寄酬發運許主客

淮上秋來物意閑。又乘輕舸信帆還。一浮一沒水中鳥。更
遠更昏天外山。斜幅纏踣兵吏至。濃金洒紙領珠頒。欲酬
已覺不能敵。盡日臨風思自慙。

淮陰

青環瘦鐵纜。繫在淮陰城。水脰多長短。林枝有直橫。山夔
一足走妖鳥。九頭鳴韓信。祠堂古。誰將跨下平。

田家屋上壺

脩蔓屋頭綴。大壺簷外垂。霜乾葉猶苦。風斷根未移。收挂
煙突近。開充酒具遲。賤生無所用。會有千金時。

小村

淮澗洲多忽有村。棘籬疎敗謾爲門。寒雞得食自呼伴。老

更無衣猶抱孫野艇鳥翹唯斷纜枯桑水齧只危根嗟哉
生計一如此謬入王民版籍論

泊下黃溪

黃溪晚來泊得見田家微刺艇斜陽下耕洲載耒歸牛鳴
向宰犢大喜入人衣復有返樵者檐枯翹雉肥

聞進士取茶

自此宣州至和二年五月後

山園茶盛四五月江南竊販如豺狼頑凶少壯冒嶺險夜
行作隊如刀槍浮浪書生亦貪利史笥經箱為盜囊津頭
吏卒雖捕獲官司直惜儒衣裳却來城中談孔孟言語便
欲非堯湯三日夏雨刺昏墊五日炎熱譏旱傷百端得錢
事酒肉屋裏餓婦無糶糧一身溝壑乃自取將相賢科何
爾當

梅雨

三日雨不止蚯蚓上我堂濕菌生枯籬潤氣醜素裳東池
蝦蟇兒無限相跳梁野草侵花圃忽與欄干長門前無車
馬苔色何蒼蒼屋後昭亭山又被雲蔽藏四向不可往靜
坐唯一牀寂然忘外慮微誦黃庭章妻子笑我閑曷不自
舉觴已勝伯倫婦一醉猶在傷

汴渠

我實山野人不識經濟宜聞歌汴渠勞謾綴汴渠詩汴水
源本清隨分黃河枝濁流方已盛清派不可推天王居大
梁龍舉雲必隨設無通舟航百貨當陸馳人肩牛驛驢定
應無完皮苟欲東南蘇要省聚斂為兵衛詎能削乃須雄
京師今來雖太平盡罷未是時願循祖宗規勿益羣息之

譬竭兩川賦。豈由此水施。縱有三峽下。率皆麓冗資。慎莫
尤汴渠。非渠取膏脂。

答宣城張主簿遺鴉山茶次其韻

昔觀唐人詩。茶詠鴉山嘉。鴉啣茶子生。遂同山名鴉。重以
初槍旗。采之穿煙霞。江南雖盛產。處處無此茶。纖嫩如雀
舌。煎烹比露芽。競收青蕩焙。不重漉酒紗。顧渚亦頗近。蒙
頂來以遐。雙井鷹掇爪。建溪春剝葩。日鑄弄香美。天目猶
稻麻。吳人與越人。各各相關夸。傳買費金帛。愛貪無夷華。
甘苦不一致。精麤還有差。至珍非貴多。為贈勿言些。如何
煩縣僚。忽遺及我家。雪貯雙砂甕。詩琢無玉瑕。文字搜怪
奇。難於抱長蛇。明珠滿紙上。剩畜不為奢。玩久手生胝。窺
久眼生花。嘗聞茗消肉。應亦可破瘕。飲啜氣覺清。賞重歎

復嗟。歎嗟既不足。吟誦又豈加。我今實強為。君莫笑我耶。

依韻和永叔澄心堂紙答劉原甫

退之昔負天下才。掃掩衆說猶除埃。張籍盧同鬪新怪。最
稱東野為奇瑰。當時辭人固不少。漫費紙札磨松煤。歐陽
今與韓相似。海水浩浩山鬼鬼。石君蘇君比盧籍。以我特
郊嗟困摧。公之此心實扶助。更復有力誰論哉。禁林晚入
接俊彥。一出古紙還相哀。曼卿子美人不識。昔嘗吟唱同
樽罍。因之作詩答原甫。文字駛穩如刀裁。怪其有紙不寄
我。如此出語亦善談。往年公贈兩大軸。于今愛惜不輒開。
是時有詩述本末。值公再入居蘭臺。崇文庫書作總目。未
暇綴韻酬草萊。前者京師競分買。罄竭舊府歸鄒枚。自慚
把筆粗成字。安可遠與鍾王陪。文高墨妙公第一。宜用此

紙傳將來。

夢後寄歐陽永叔

不趁常參久。安眠向舊溪。五更千里夢。殘月一城鷄。適往言猶是。浮生理可齊。山王今已貴。官聽竹禽啼。

送方進士遊廬山

長風沙浪屋許大。羅剎石齒水下排。歷此二險過湓浦。始見瀑布懸蒼崖。繫舟上岸入松徑。三日踏穿新蠟鞋。路盤溪谷出嶺望。後山日照前山霏。偶逢風雨恐衣濕。側倚石脇人相乖。雨收不覺在高處。却見童僕提攜僮。水聲不絕鳥聲好。藥草香氣侵人懷。老僧避俗去足跡。野客就澗開門闔。樹崑隱映見寺刹。層層杳杳躋雲階。場田將穫鳥雀橫。秋果正熟猴猿齮。東林淡菴應似舊。唯此足以待爾儕。

子心洒落撇然往。我方塵垢難磨揩。

頴公遺碧霄峰茗

到山春已晚。何更有新茶。峰頂應多雨。天寒始發芽。採時林欲靜。蒸處石泉嘉。持作衣囊祕。分來五柳家。

黃鶯

內家初上翠微宮。樹裏窺人在半空。笑語漸高無約束。侍臣偷望向雲中。

西鄰少年今出遊。東家女兒未識羞。門前烏臼葉已暗。日暮問誰牆上頭。

李仲求寄建溪洪井茶七品云。愈少愈佳。未知嘗何如耳。因條而答之。

忽有西山使。始遺七品茶。末品無水暈。六品無沉相。五品

散雲脚。四品浮粟花。三品若瓊乳。二品罕所加。絕品不可
議。甘香焉等差。一日嘗一甌。六腑無昏邪。夜枕不得寐。月
樹聞啼鴉。憂來唯覺衰。可驗唯齒牙。動搖有三四。妨咀連
左車。髮亦足驚疎。疎疎點霜華。乃思平生游。但恨江路賒。
安得一見之。煮泉相與誇。

春日拜寵經田家

田家春作日日近。丹杏破額場圃頭。南嶺禽過北嶺叫。高
田水入低田流。桑牙將綻霧露裏。蠶子未浴箱篚收。今我
還朝固不遠。紫宸已夢瞻珠旒。

重送楊明叔

并序

行而有以贖者。助所不足也。車馬子有。裘服子有。貨具
子有所可贈者。詩言爾故。先爲七言以送。將以道彼美。

而樂乎往也。子不爲重。邀予以規。又作五言應其請。
君將會稽去。舊蹟可以嬉。子因狀其美。贈子臨路岐。子不
以爲樂。但願有以規。噫。吾豈無說。畏子未及禠。旣求不語
子。吾曷忍子欺。前年子渡淮。夜泊洪澤湄。有鬼稱使者。來
告風波期。子時再拜謝。乃被隣船嗤。逡巡鬼復至。復附船
家兒。怒彼慢嗤士。明當使驚危。船兒傷舷剋。走若一足夔。
翌日各解舟。出浦風動旗。子獨乘安流。彼受橫浪吹。此事
非子傳。焉得他人知。昨逢令弟蘊。備述果不疑。越俗素重
鬼。慎勿啓其私。子口有仁義。子腹有書詩。子嘗談王道。怪
語固未宜。近聞蘇才翁。問子辟者誰。得非外戚侯。子怒已
蹙眉。今我倘得罪。甘與蘇同之。

過淮

待親數數來浮汴。護樓迢迢復渡淮。旨蓄曾無御寒具。細君唯有隱居斂。月痕遠入魚銜浪。潮退長汀蚌閣崖。素服華顏色相似青銅。不忍見形骸。

發長蘆江口

篙師施工相整衣。龍女廟中來宰牲。野祝擊鼓降神語。老鴉啣肉上樹飛。長江無風平似削。兩櫓夾舸行將歸。南國山川都不改。傷心慈姥舊時磯。

龍女祠祈順風

龍母龍相依。風雲隨所變。舟人請予往。出廟旗脚轉。旗指西南歸。飛帆疾苑電。長蘆江口發。平明白鷺洲。前已朝騰竹根盃。玟不欺人。世間然諾空當面。

早發大信口

犬吠知船解。村墟尚閉門。霜泥粘纜尾。水閣潮痕撇。撇鷓鴣去。纖纖舴舨昏。梅湖到不遠。寄信向田園。

依韻和正仲寄酒因戲之

上字黃封誰可識。偷傳王氏法。應真清淮始變醅。猶薄句水新來味更醇。欲擬比酥酥少色。曾持勸客客何人。紅梅雖是吾家物。老去無心一醉春。清淮酒本王九傳法於山陽

閒居

讀易忘飢倦。東窗盡日開。庭花昏自斂。野蝶晝還來。謾數過籬筍。遙窺隔葉梅。唯愁車馬入。門外起塵埃。

秋雨篇

秋雨一向不解休。連昏接晨終窮秋。梅生不量仰天問。神官夜夢言語周。日月是天之兩目。忽然生翳無藥瘳。只知

淚滴爲赤子。赤子豈悞天公憂。天公哭霽霽。洒涕落九州。
地祇不敢安。泥濘已沒頭。乃因從容詰神官。后稷今在帝
所不從前。后稷知稼穡。曾以筋力親田疇。曷不告帝且輟
泣。九穀正熟容其收。蚤時不泣此時泣。憂民欲活反扼喉。
神官發怒髭奮虬。下土小臣安預謀。恐然驚覺汗交流。樹
上已聽呼雌鳩。

聞永叔出守同州寄之

冕旒高拱元元上。左右無非唯唯臣。獨以至公持國法。豈
將孤直犯龍鱗。萊莢欲把人留楚。首猶方枯馬入秦。訪古
尋碑可銷日。秋風原上足麒麟。

送天台李令庭芝

吾聞天台久未見。天台狀去海知幾里。去天知幾丈。峰巒
隱與出。崑崙背與向。雲雷反在下。泉瀑反在上。幽澗無窮
窺。杳眇無窮望。至險可悸慄。至怪可駭喪。石橋彎長弓。跨
絕絃未放。當時白道猷。平步入青嶂。去爲六百石。亦見志
所尚。子欲廣異聞。可以一尋訪。

十一月十二日賽昭亭神

冷雨凝雪未成雪。潭空魚寒歸石穴。長篙扣穴倩鯉魚。寄
信山頭來奠設。魚傳水鳥飛上山。山大槎槎乾吹咽。旋灰
起角巫鼓鳴。漆俎銅盤顛牲血。琵琶嘈嘈神降言。福汝祐
汝無災孽。西向啐飲東向迴。溪心却望山崔嵬。

依韻和吳正仲冬至

流光冉冉卽衰遲。物趣迴還似轉規。長景已知今日至。孤
懷不比少年時。偶陪上閣鴛鸞後。且與南州父老期。况有

春禾新酒熟。百分休放手中卮。

依韻答吳正仲罷飲

君辭子家傾蟻醅。自有嘉味須持來。青篋絡緝方出戶。紅
粧侑席已邀杯。窮愁一飲猶關分。側望羣賢不可陪。靜坐
紙窗無所得。只將文字眼前堆。

依韻諸公尋靈濟重臺梅

梅要山傍水次栽。非同弱柳近童臺。重重葉葉花依舊。歲
歲年年客又來。雖愛千枝競繁密。還嗟短髮已衰頹。郎官
博士留車騎。擁蔽脩篁為斫開。

和正仲再和罷飲

吳味期君強飲開。楚醅因我破愁來。何言合美將虛館。却
憶爭妍就捧杯。夜霰已先庭雪集。單衣難與毳裘陪。踐盟

幾欲驅車去。塵事無端日日堆。

和韻三和戲示

苓箐畫蛤瓦缸醅。海若淮壖各寄來。將學時人鬪牛飲。還
從上客舞娥杯。蓬蒿自有蔣生樂。珠翠寧容鄭氏陪。莫計
寒暄與風雪。古來黃土北邙堆。鄭康成與盧子幹同事馬融融後堂有珠翠之會康成不得預焉

依韻四和正仲

四和還如九醞醅。更醇更美未嫌來。相逢莫作兩般眼。一
飲不辭三百杯。嵇阮當時無俗慮。山王雖貴亦能陪。如今
世態尤堪薄。只把官資滿眼堆。袁招飲鄭云自旦至暮三

依韻和吳正仲聞重梅已開見招
難開密葉不因寒。誰翦鴉兒短羽攢。猶是去年驚目艷。不

知從此幾人觀。重重好藥。重重惜。日日攀枝。日日殘。我爲
病衰方止酒。願攜茶具作清歡。

朝

木鎖初開水上城。竹籬深閉日光生。青苔井畔雀兒鬪。烏
白樹頭鴉舅鳴。世事但知開口笑。俗情休要着心行。是非
不道任挑撻。唯憶當時阮步兵。

東溪

行到東溪看水時。坐臨孤嶼發船遲。野鳥眠岸有閑意。老
樹着花無醜枝。短短蒲茸齊似翦。平平沙石淨於篩。情雖
不厭住不得。薄暮歸來車馬疲。

送吳正仲葵簪歸梅谿待闕

山水東陽去未去。朋親茗雪朝復朝。更無越相逃名舸。猶

看吳王送女潮。海燕歸齊聲滿屋。谿梅開過子生條。明年
十月吏迎處。七里灘前棹奏簫。

志來上人寄示醑醑花并壓塲茶有感

京都三月醑醑開。高架交垂自爲洞。素葉層層紫蕊香。釀
歸光祿春生甕。東陌西池走鈿車。芳林廣囿飛朱鞵。二年
不到大梁城。江邊淚滴肝腸痛。况茲齒髮漸衰老。已是憂
愁不如衆。宣城北寺來上人。獨有一叢盤嫩蘂。去歲游吳
求不得。今朝還喜自持送。眼底雖同往日看。樽前所憶皆
成夢。又置新茶采雨前。烏觜壓塲雲色弄。對花却酒煮香
泉。強詠才慙非白鳳。

次韻和吳季野題岳上人澄心亭

空山舊逕綠苔滿。古寺齋盂白薤蒸。暑雨坐中飛漠漠。野

泉林外落層層。從來勝絕皆離俗。未有幽溪不屬僧。唯愛
溪頭一尋水。莫聞流浪莫聞澄。

答宣闈司理

六經義趣淺。傳訓或得失。後人語雖淺。辨識猶百一。歐陽
最知我。初時且尚窒。比以爲橄欖。迴甘始稱逆。老於文學
人。尚不卽究悉。宜乎與世士。橫爾遭詬訾。誓將默無言。負
暄方抱膝。非非孰是是。都莫答問詰。歲暮宣叅軍。辭如鮑
昭逸。粲然傾明珠。褒我頗過實。便言楚江萍。光彩侔旭日。
自慚流浪蹤。不得蒿芹匹。復爲苦硬句。酬報強把筆。

依韻和丁元珍見寄

我從江南來。挂席江上正。輕舟自行速。不與風力競。乃省
少時學。勉強無佳興。初如弄機杼。未解布絲經。利器昧其
持。或反授人柄。及親賢豪游。所尚志已定。不厭朝市喧。不
須山林靜。不爲煦煦妍。不爲嚴嚴冰。遇物理自暢。區處劇
操令。仍類楚野筠。忽從孤根迸。便成翠琅玕。久與風霜硬。
雖然達吾真。誰復究畢竟。世間忘坦途。盡欲求密徑。哂我
是疎。宜乎今蹭蹬。蹭蹬誠可嗟。所偶亦已併。晚逢二三
友。喜飲恨多病。道路何遑迴。季秋越春孟。平生景慕者。邂
逅出天幸。接迹猶謂榮。况此聲顏並。實慙寡時用。又顧無
奇行。愛之不忍去。自且還至暝。在昔濁世賢。徒知清酒聖。
但用醉爲娛。一老少不更。稍思桃源人。翩爾乘漁艇。尋花
逐水往。豈念衰與盛。歌謳非俗情。山響自答應。以此謝君
勤。微言期略聽。袞袞不足爲。試共幽人評。

泰州王學士寄車螯蛤蜊

車螯與月蛤。寄自海陵郡。謂我抱餘醒。江都多美醞。老來
飲不滿。一醉已關分。甘鮮雖所嗜。易飲亦莫問。嬌女巧收
殼。燕脂合眉暈。貧奩無金玉。狼藉生恚忿。妻孥喜食之。婢
妾困埽拚。行當至京華。耳目飽塵坌。此味爽口難。書為厭
者訓。

依韻和孫都官河上寫望

河上風烟愛此邦。吳艘越舸不相降。魚鯉轟轟橋邊市。花
暗澹澹竹裏窗。蹴踘漸知寒食近。鞦韆將立小鬟雙。年光
取次須偷賞。何用功名節與幢。

依韻和許待制偶書

曉雨射船珠瀉盤。平明水上舞英殘。關雞曠惡輕泥濕。調
馬蹄翻軟土乾。淡屋鶯巢將欲補。密房蠶蟻尚憂寒。為言

楚客甘蔬蕪。白芷香牙長嫩珊。

依韻和春日偶書

甕面春醅壓嫩藍。盤中鵝鶩亦肥甘。正宜醉夢輕為蝶。苦
怕酬詩密似蠶。病起羊公方隱几。歸來陶令只乘籃。河堤
古木欣欣暗。野水新秧拍拍滌。已向官資隨分足。莫將忠
憤等閑談。况於世上諸般厭。不作人間一例貪。陋巷自知
當此。權門誰解更趨參。高低趣向難為合。冷暖情懷固
飽諳。兒意妻兒猶苟祿。強顏冠冕未抽簪。唯公恩遇留連
召。頻對樽罍也負慙。

依韻和禁烟近事之什

狂風暴雨已頻過。近水棠梨着未多。窈窕踏歌相把袂。輕
浮賭勝各飛壻。閑牽白日游絲颺。細繡黃金舞帶拖。小苑

芳菲花鬪藥華堂。嘲哂驚爭象。西州駿馬頭如剝。南國佳人頸似瑳。結客追隨傾畫榼。分朋游樂藉青莎。鞦韆競打遺細翠。芍藥將開翦纈羅。我病乞求新火炙。無心更聽竹枝歌。

觀邵不疑學士所藏名書古畫

野性好書畫。無力能自致。每遇高趣人。常許出以視。邵侯多奇玩。留我特開筭。首觀阮與杜。驢上瞑目醉。阮籍韓幹貌四馬。臨流解鞍轡。花驄照夜白。正側各畜意。繫衣穿袴靴。坐立皆旣吏。精神宛如生。于腮復穿鼻。梅雞徐熙花。竹間寒雀睡。逸少自寫真。對鏡絕相類。數本失姓名。古胡并老驥。山水樹石硬。荆關藝能至。荆關巨然李成者。落筆愈奇異。人物張僧繇。雖傳恐非是。其餘又莫究。摸搭似未備。

周秦以來書。行草楷篆隸。聲名舊烜赫。一一果可喜。邵侯愛我曹。咸使紙尾記。况侯有古學。小字刻珉翠。各贈墨本歸。懷寶誰肯忌。

將赴表臣會呈杜挺之

莫怪去遲遲。寸心君亦知。膝前嬌小女。眼底寧馨兒。學語渠渠問。牽裳步步隨。出門雖不遠。情愛未能移。

高車再過謝承叔內翰

世人重貴不重舊。重舊今在歐陽公。昨朝喜我都門入。高車臨岸進船篷。俯躬拜我禮愈下。騶徒竊語音微通。我公聲名壓朝右。何厚於此瘦老翁。笑言啞啞似平昔。妻子信說如梁鴻。自茲連雨泥沒脛。未得謁帝明光宮。冒陰履濕就稅地。親賓未過知巷窮。復聞傳呼公又至。黃金絡馬聲。

宛陵詩集
卷之十一
瓏瓏紫袍寶帶照屋室。飲水啜茗當清風。邀以新詩出古
律。霜髯屢領搖寒松。因嗟近代貴莫比。官爲司空仍侍中。
今成冢丘已寂寞。文字豈得留無窮。以此易彼可勿媿。浮
榮有若送雨虹。須臾斷滅不復見。唯有明月常當空。况我
學不爲買祿。直欲到死攀軻雄。一飯足以飽我腹。一衣足
以飾我躬。老雖得職不足顯。願與公去驩樂同。驩樂同治
園田穎水東。

李審言相招與才景純周仲章裴如晦馮當世沈文

通謝師厚師直會開寶塔院

自君命我飲。朝暮雨傾瓦。城東與城北。大道泥沒馬。敢忘
主人勤。顛撲困馭者。衆客亦如期。陳肴藉蘭若。馮裴與沈
謝。辯論過終賈。才周事老成。危坐言語寡。酒半時謔劇。揣
狀類模寫。或譏項髮禿。或指舌端俊。或將冠帶身。勸作梁
武捨。謂我大耳兒。此實已見假。又効井市態。屈強體非雅。
順風手沙沙。逆風口哆哆。竟席屢絕倒。去忌肝膽瀉。規規
豈無儕。達識高天下。

陸子履見過

劉郎謫去十年歸。長樂鐘聲下太微。屈指故人無曩日。平
明騎馬扣吾扉。論情論舊彈冠少。多病多愁飲酒稀。猶喜
醉翁時一見。攀炎附熱莫相譏。

重送周都官

水上朱樓畫角鳴。濛濛雨裏榜舟輕。未逢甫里先生謁。多
見吳興太守迎。荷葉半黃蓮子老。霜苞微綠橘林明。十年
不到風烟改。君去將詩與畫評。

瓜蔓水生風雨多。吳船發棹唱吳歌。槎從秋漢下應快。人憶故園歸奈何。世事靜思同轉轂。物華催老劇飛梭。茶官到有清閑味。海月團團入酒罍。

和吳冲卿學士石屏

吳夫子佩銀龜乘天馬。素怪奇忽得號略一片石。其中白色圓如規。又有樹與鳥。畫手雖妙何能為。吳乃持問歐陽公。比公曩獲尤可疑。疑不為辨賦以詩。詩辭粲粲明星垂。復遣賚來使我和。坐上鉅公傍睨之。范侯實有楊雄學。咸云此理難究推。我歸滌慮反覆思。義雖不經聊解頤。月與太陽合朔時。陽鳥飛上桂樹枝。枝上作窠生羣兒。人不知天公。天公欲俾世間見。影着石面如粘黼。鳥既不得去。月亦不可移。留為千古作好玩。慎勿傾樸同玉碑。時在唐書局與歐陽

承叔汪元叔范景仁會食得所示詩

送薛氏婦歸絳州

在家勗爾勤。女功無不喜。既嫁訓爾恭。恭已乃遠耻。我家本素風。百事無有侈。隨宜具奩箱。不陋復不鄙。當須記母言。夜寐仍夙起。慎勿窺窗戶。慎勿輒笑毀。妾非勿較競。醜語勿辨理。每順舅姑心。况逆舅姑耳。為婦若此能。乃是儒家子。看爾十九年。門閭未嘗履。一朝陟太行。悲傷黃河水。車徒望何處。哭泣動隣里。生女不如男。天親反由彼。

永叔請賦車螯

素唇紫錦背。漿味壓蚶菜。海客穿海沙。拾貯寒潮退。王都有美醞。此物實當對。相去三千里。貴力致以配。翰林文章

宗。炙鮮尤所愛。旋坊旋沽飲。酒船如落埭。殊非北人宜。肥羊噉鸞塊。

歐陽永叔王原叔二翰林韓子華吳長文二舍人同

過弊廬。值出不及見。十二月七日

枯竹爲門扉。不可容車騎。况如鄭廣文。無檀藉賓位。窮冬月破七。貴客聯玉轡。傳騶蕭里閭。下榻呼童稚。問我何所往。其留墻上字。兒愚不知誰。金章言照地。既屈卿大夫。恨莫親帚箒。星躔回已高。麟趾寧復至。戢戢鄰巷居。相見竊自喟。豈料瘦老翁。能令賢達至。昔時蓬蒿徑。安有此盛事。

還吳長文舍人詩卷

松液化茯苓。又因爲琥珀。遇物必得形。毛髮曾不隔。君子亦豹變。其文蔚可覲。个者逢吳侯。滿腹貯經籍。噴吐五色

霓。自堪垂典冊。詩教始二南。皆著賢聖跡。後世竟翦裁。破碎隨刀尺。我輩強追倣。畫龍成蜥蜴。有唐文最盛。韓伏甫與白。甫白無不包。甄陶咸所索。侯初守二郡。山水多助益。升高觴嘉賓。賦筆速鷹翻。葺書成大軸。許我觀琮璧。真物固易辨。恨無百金易。借從懷袖歸。誦玩廢朝夕。譬如游國都。懨懨失阡陌。苦吟三十年。所獲唯巾幘。豈比夸受降。甲齊熊耳積。重見元和風。珠玉敵海舶。自慙寒餓爲。何張空避席。

莫登樓

莫登樓。脚力雖健勞雙眸。下見紛紛馬與牛。馬矜鞍轡牛服韉。露臺歌吹聲不休。腰鼓百面紅臂襦。先打六么後梁州。棚簾夾道多夭柔。鮮衣壯僕篋髭虬。寶搨呵叱倚王侯。

夸妍鬪艷目已偷。天寒酒醺誰爾俯。倚檻心往形獨留。有此光景無能游。粉署淡沉空翠幃。青綾被冷風颼颼。懷抱既如此。何須望樓頭。

依韻和永叔勸飲酒莫吟詩雜言

我生無所嗜。唯嗜酒與詩。一日舍此心腸悲。名存貴大不輒思。甌空釜冷不俛眉。妻孥凍餓數恚之。但自吟醉與世違。此外萬事皆莫知。王公謁請衆去早。既衰愈懶身到遲。日高倦僕顏色沮。况騎瘦馬兩耳垂。厭此勞苦不喜出。唯恐有文字時能爲。諸公尚恐竭智慮。勤勤勸飲莫我卑。再拜受公言。竊意公矯時。只愛詩謂余癡。

出省有日書事和永叔

辭家綵勝人爲日。歸路梨花雨合晴。庭下鞦韆應未拆。籠

中鸚鵡卽聞聲。千門走馬將看旆。廣市吹簫尚賣飴。已是瓊林芳卉晚。不須游處避門生。

上馬和公儀

煙火千門曉欲開。五花驕馬官徘徊。井閭已是經時隔。親舊全如遠別來。帝闕重看多氣象。天街新霽少塵埃。振冠浣服無容久。便見池門放牘催。

和楚屯田同曾子固陸子履觀予堂前石榴花

堂下一匹鄭虔馬。欄邊兩株安石榴。但能有酒邀佳客。亦任狂花落素甌。俗女紅裙無好色。主人白髮自侵頭。欲歌翠樹芳條曲。已去洛陽三十秋。

呂晉叔著作遺新茶

四葉及王游。其家原坂嶺。歲摘建溪春。爭先取晴景。大窠

有壯液。所發必奇穎。一朝團焙成。價與黃金逞。呂侯得鄉人。分贈我已幸。其贈幾何多。六色十五餅。每餅包青蕩。紅籤纏素森。屑之雲雪輕。啜已神魄醒。會待嘉客來。侑談當晝永。

送畢甥之臨邛主簿雜言

自我歷官三十年。有脚未曾行蜀川。李白嘗言道之艱險。長嗟難劇上青天。身悲猿噉馬蹄脫。苦梯雨棧愁傾顛。蒼崖下窺不見底。但聽雷聲輓石懸。湍濤曉盤青泥上。高煙暮盤青泥到下泉。劍閣如劍巉然割腸刺眼。今古連爾去三千九百里。巴山小馬烏皮鞵。一婦一奚行李單。家具日貨能幾錢。人皆畏避不敢往。此獨敢往何所便。况是初宦無遠適。心意自許非由銓。異乎哉我今送爾徒哀憐。

送王介甫知毗陵

吳牛常畏熱。吳田常畏枯。有樹不蔭犢。有水不滋穠。孰知事春農。但知急秋租。太守追縣官。堂上怒奮鬚。縣官促里長。堂下鞭朴俱不體。天子仁不恤。黔首道借問。彼為政。一何所殊。今君請郡去。預喜民將蘇。每觀二千石。結束辭國都。絲鞵加錦緣。銀勒以金塗。兵吏擁後隊。劍槌盛前驅。君又不若此。革轡障泥烏。欵行問風俗。低意騎更駑。下情靡不達。略細舉其麤。曾官為衆異。亦罔為世趨。學詩聞已熟。愛棠理豈無。

永叔內翰遺李太博家新生鴨脚

北人見鴨脚。南人見胡桃。識內不識外。疑若椽栗韜。鴨脚類綠李。其名因葉高。吾鄉宣城郡。每以此為勞。種樹三十

年結子防山。孫剝核手無膚。持置官省曹。今喜生都下。薦
酒壓葡萄。初聞帝苑夸。又復主第褒。纍纍誰採掇。玉椀上
金釐。金釐文章宗。分贈我已叨。豈無異鄉感。感此微物遭。
一世走塵土。鬢顛得霜毛。

陸子履示秦篆寶。其文曰二十六年皇帝盡并兼天
下諸侯。黔首大安。號為皇帝。乃詔
丞相斯。節法度量。則不一。嫌疑者皆明一之。

秦既并諸侯。斯乃一度量。鑄寶以永傳。萬世俾勿喪。精銅
不生花。小篆著丞相。一沒咸陽宮。千秋事更王。陸君居洛
城。客有來渭上。曰因農人耕。發壞破古藏。遂獲此物還。文
完字何壯。始號為皇帝。立語已超曠。意將愚黔首。爨起危
博浪。其後同玉璽。不隨驪山葬。今蓄於君家。徒爾資奇尚。
物以用為珍。異時皆似妄。

聽文都知吹簫

晏虞部遺求一見之

虞舜已去蒼梧野。秦女驂鸞無復下。簫管人間不解傳。帝
樂部中能亦寡。欲買小鬟試教之。教坊供奉誰知者。晏識
文公始致來。勸接賤生宜強且。乃呼側坐吹一曲。驚顧頓
嘶堂下馬。吾妻聞中聞不聞。稚女扳簾笑嬌妣。未敢多聽
便遣還。贈飲單盃向身瀉。

依韻和永叔久在病告近方赴直道懷見寄二章

浴堂深殿近皇居。秋夕詞臣直宿初。宮女穿針爭落月。官
奴持燭看殘書。萬家乞巧心無盡。斜漢飛光望有餘。枕上
江山夢猶熟。五更寒雨過簾疎。

玉轡瓏瓏出絳宮。青槐馳道曉烟中。塵頭尚裒洗車雨。馬
耳前趨吹鬣風。聞說自將身許國。不須仍以醉為公。我今

才薄都無用。六十棲棲未歎窮。

哭孫明復殿丞

自古春秋學。皆知不可過。生前恩禮少。歿後薦章多。妻子將焉託。田園有幾何。汝陽秋樹裏。黃鳥謾聽歌。

依韻和永叔秋日東城郊行

郊原物老莽然中。寓興驅車向國東。夾道名園迷屈曲。壓枝秋實亂青紅。寒畦覆綠將收菜。野蝶雙飛尚繞叢。田父欣來問行幸。依稀還似鬪鷄翁。

和楊直講夾竹花圖

桃花天紅竹淨綠。春風相間連溪谷。花留蜂蝶竹有禽。三月江南看不足。徐熙下筆能逼真。畫素畫成纔六幅。萼繁葉密有向背。枝瘦節疎有直曲。年深粉剝見墨縱。描寫工

夫始驚俗。從初李氏國破亡。圖書散入公侯族。公侯三世多衰微。竊質檐頭由婢僕。太學楊君固甚貧。直緣識別爭來鬻。朝質綈袍暮質琴。不憂明日鐙無粥。裝成如得驪頰珠。誰能更問龍牙軸。竹真似竹桃似桃。不待生春長在目。

觀韓玉汝人貢奉圖

時世重古不重新。破圖誰畫舊人臂。鷹棒盤犀利水鐵。鎖獅子同麒麟。翹翹雉尾補頭上。滾目鉅鼻青搭巾。塗朱點綠筆畫大。筋骨怒露蠻祠神。茜袍白馬韓公子。從何得此來秘珍。定應海客遠為贈。中國未覩難擬倫。公子自言吳生筆。吳筆精勁瘦且勻。我恐非是不敢贊。退歸書此任從噴。

依韻和永叔戲作

琵琶轉撥聲繁促。學作饑禽啄寒木。木蠹生蟲細穴深。長
啄敲鏗未充腹。攏弦疊響入衆耳。發自溪林答空谷。上弦
急逼下弦清。正如螿螂捕蟬聲。坐中賓歡呼酒飲。門外客
疑將欲行。主人語客客莫去。彈到古樹裂丁丁。內賓外客
曾未聽。乍聞此曲無不驚。還憶昭君入一。烏孫帳下邊
馬鳴。安知如今有樂事。能使女奚飛玉觥。女奚年小殊流
俗。十月單衣體生粟。言事關西楊廣文。廣文空腹貪教曲。
曲奇譜新偷法部。妙在取音時轉軸。翰林先生多所知。又
笑畫圖收滿屋。不肖那錢買珠翠。任從堆插堦前菊。功曹
時借乃許出。他日求觀龜殼縮。我嗟老鈍不如渠。幸得交
朋時借娛。但樂休計有與無。

得王介甫常州書

斜封一幅竹膜紙。上有文字十七行。字如瘦棘攢黑刺。文
如溫玉爛虹光。別時春風吹榆筴。及此已變蒹葭霜。道途
與弟奉親樂。後各失子懷悲傷。到郡紛然因事物。舊守數
易承蔽藏。搜姦證繆若治絮。蚤虱盡去煩爨湯。事成條舉
作書尺。不肖勞人魚腹將。魚沉魚浮任所適。偶能及我爲
非常。勤勤問我詩小傳。國風纔異葛屨章。昔時許我到聖
處。且避俗子多形相。未即寄去慎勿怪。他時不惜傾箱囊。
知君亦欲此從事。君智自可施廟堂。何故區區守黃卷。蠹
魚尚耻親芙蓉。我今正值鴈南翔。報書與君倒肺腸。直須
趁此筋力強。炊粳烹鱸加桂薑。洞庭綠橘包甘漿。舊楚黃
橙綿作瓢。東山故游攜舞娘。不飲學舉黃金觴。谿如罨畫
水泱泱。刺船靜入白鷺傍。菱葉已枯鏡面涼。月色飛上白

石林坐看魚躍散星芒。左右寂寂夜何長。烏棲古曲傳吳王。千年萬年歌未火。莫作腐儒針膏肓。莫作健吏繩饑狼。儻如蠶。遂勸農桑。儻如黃霸致鳳皇。來不來亦莫愛嘉祥。

得雷太簡自製蒙頂茶

陸羽舊茶經。一意重蒙頂。比來唯建溪。團片敵湯餅。顧渚及陽羨。又復下越茗。近來江國人。鷹爪夸雙井。凡个天下品。非此不覽省。蜀苑久無味。聲名謾馳騁。因雷與改造。帶露摘牙頰。自煎至採焙。入碾只俄頃。湯嫩乳花浮。香新舌甘永。初分翰林公。豈數博士冷。醉來不知惜。悔許已向醒。重思朋友義。果決在勇猛。倏然乃以贈。蠟囊收細梗。吁嗟茗與鞭。二物誠不幸。我貧事事無。得之似贅癭。

江鄰幾暫來相見去後戲寄

低頭拜我蒼髯翁。來如飛鳥去如風。一夕共飲斗柄北。平明已向函關東。衆中舊騎跛鼈馬。塞下新買連錢驄。疾驅似逐鄧林日。不肖暫住行何窮。

和韓欽聖學士襄陽聞喜亭

亭欄下望漢江水。淨綠無風寫鏡明。日脚穿雲射洲影。槎頭擺子出潭聲。檣帆落處遠鄉思。砧杵動時歸客情。使者徘徊有佳興。高吟不減謝宣城。

覽顯忠上人詩

昔讀遠公傳。頗聞高行僧。廬山將欲雪。瀑布結成冰。尋蹟數百載。歷危千萬層。師來笑賈島。只解詠嘉陵。

依韻和永叔嘗新茶雜言

自從陸羽生人間。人間相學事春茶。當時採摘未甚盛。或

有高士燒竹煮泉爲世誇。入山乘露掇嫩菁。林下不畏虎
與虵。近年建安所出勝。天下貴賤求呀呀。東溪北苑供御
餘。王家葉家長白芽。造成小餅若帶銜。鬪浮鬪色頂夷華。
味久迴甘竟日在。不比苦硬令舌宓。此等莫與北俗道。只
解白土和脂麻。歐陽翰林最別識。品第高下無欹斜。晴明
開軒碾雪末。衆客共賞皆稱嘉。建安太守置書角。青翦包
封來海涯。清明纔過已到此。正見洛陽人寄花。兔毛紫盞
自相稱。清泉不必求蝦蟆。石餅煎湯銀梗打。粟粒鋪面人
驚嗟。詩腸久饑不禁力。一啜入腹鳴啞哇。

次韻再和

建溪茗株成大樹。頗殊楚越所種茶。先春喊山摘白萼。亦
異烏觜蜀客誇。烹新鬪硬要咬盞。不同飲酒爭畫地。從揉
至碾用盡力。只取勝負相笑呀。誰傳雙井與日鑄。終是品
格稱草芽。歐陽翰林百事得精妙。官職况已登清華。昔得
隴西大銅碾。碾多歲久深且窳。昨日寄來新斲片。包以籛
翦纏以麻。唯能贖啜任腹冷。幸免醅酎冠弁斜。人言飲多
頭顛挑。自欲清醒氣味嘉。此病雖得優醉者。醉來顛踣禍
莫涯。不願清風生兩腋。但願對竹兼對花。還思退之在南
方。嘗說稍稍能啗慕。古之賢人尚若此。我今貧陋休相嗟。
公不遺舊許頰往。何必絲管喧咬哇。

送葛都官南歸

不羨新爲赤縣尹。惟羨暫向江南歸。江南羃羃梅雨時。風
帆差差並鳥飛。罇竿夾岸長若桅。水籠畜魚鮮且肥。家在
千古古溪上。先應喜鵲噪門扉。

永叔內翰見索謝公游嵩書感歎希深師魯子聰幾
道皆爲異物獨公與余二人在因作五言以叙之
昔在洛陽時共游銅駝陌尋花不見人前代公侯宅深堂
鏤塵埃空壁鬪蜥蜴楸陰布苔綠野蔓纏石碧池魚有偷
釣林鳥有巧射園隸見我來朱門暫開闢園婦見我還便
掃車馬跡何以掃馬跡實亦畏他客我輩唯適情一葉未
嘗摘他人或所至生菓不得惜又憶游嵩山勝趣無不索
各具一壺酒各蠟一雙屐登危相扶牽遇平相笑噓石槁
雲衣輕巖裂天窗窄上飲醒心泉高巔溜寒液下看峰半
雨廣甸飛甘澤夜宿岳頂寺明月入戶白分吟露氣冷猛
酌而易赤明朝循歸途兩脛痛若刺日旰就馬乘香車必
迤阨却望峻極居已與天外隔薄暮投少林漱濯整冠幘

碑觀巡幸僧指古定空壁誓將新詠章燈前五詆極揚生
護已短一字不官易明年移河陽簿書日堆積忽得謝公
書大夸遊覽劇自高歷石堂蘚花題洞額其文曰神清固
非人筆畫乃知二公貴逆告意可隨遂由龍門歸里堠環
數驛我時詩已答或歌或辨責責我不喜僧性實未所獲
凡今三十年纍塚拱松栢唯公與非才同在不同昔昔日
同少壯今且異肥瘠昔日同微祿今且異烜赫昔同騎破
羈今控銀轡革昔同自謳歌今執樂指百灰者誠可悲存
者獨窮厄但比灰者優貧存何所益

次韻和吳仲庶舍人送德化郭尉

蒲葉高帆十二幅秋風逆水滿檣開是時不畏浪頭起到
日定將船尾堆用舍東方言虎鼠賤疎梅福比蒿萊少年

才辨無如美廬岳峰前莫滯廻

和韻答永叔洗兒歌

夜夢有人衣帔蛻水邊授我黃龜兒生男前一夕夢仰看道士贈龜一枚星宿正離離玉魁東指生斗威明朝我婦忽在蓐乃生男子實秀眉自磨丹砂調白蜜辟惡辟邪無寶犀我慙暮年又舉息不可不令朋友知開封大尹憐最厚持酒作歌來慶之畫盆香水洗且喜老駒未必能千里盧仝一生常困窮亦有漆丁是其子

送余少卿知睦州

青山峽裏桐廬郡七里灘頭太守船雲霧未開藏宿鳥坡原將近見燒田養茶摘藥新春後種橘收包小雪前民事蕭條官政簡家書時問雪溪邊

田家

草木遶籬盛田園向郭斜去鋤南山豆歸灌東園瓜白水照茅屋清風生稻花前坡日已晚聒聒競鳴蛙

歐陽寺丞桐城宰

葉落淮南樹青山徧馬頭人煙將近郭松竹不知秋夜虎林間嘯溪泉舍下流門前仲卿廟遺跡待君求朱邑家祠在焉餘姚陳寺丞

試邑來勾越風煙復上游江湖自迎客山月亦隨舟海貨

通閭市漁歌入縣樓絃琴無外事坐見蒲帆收

任適尉烏程

俛作程鄉尉折腰還自甘卞峰晴照黛雪水曉澄藍葑土春田闢蘆中走吏參到時蘋葉長柳暉蓋江南

夏日晚霽與崔子登周襄故城
雨脚收不盡。斜陽半古城。獨攜幽客步。閒閱老農耕。寶氣無人發。陰蟲入夜鳴。余非避喧者。坐愛遠風清。

西湖閑望

夏景已多趣。湖邊日更佳。園葵雜紅紫。岸柳自欹斜。雨氣收林表。城陰接水涯。愛閒輸白鳥。盡日立汀沙。

金山寺

并序

昔嘗聞謝紫微言金山之勝。峰巒攢水上。秀拔殊衆山。環以臺殿。高下隨勢。向使善工。摸畫不能盡其美。初恨未遊。赴官吳興。舫次瓜洲。值海汐冬落。孤港未通。獨行江際。始見故所聞金山者。與謝公之說無異也。因借小舟以往。乃陟迴閣。上上方。歷絕頂。以問山阿。危亭曲軒。

窮極山水之趣。一草一木。雖未萼發。而或青或凋。皆森植可愛。東小峰謂之鵝山。有海鵲雄雌棲其上。每歲生雛。羽翮既成。與之縱飛。迷而後返。有年矣。惡禽猛鷲不敢來。茲以博魚鳥。其亦不取近山之物。以爲食。可義也。夫薄暮返舟。寺僧乞詩。強爲之句。以應其請。偶然而來。不得髣髴。敢與前賢名迹耶。

吳客獨來後。楚僮歸夕曛。山形無地接。寺界與波分。巢鷓寧窺物。馴鷗自作羣。老僧忘歲月。石上看江雲。

舟中值雨。裴刁二君相與見過。上滄淒淒。天形接野低。岸痕生舊水。馬跡踏春泥。風急侵衣重。山昏卷幔迷。誰驚二客論。不愧巨源妻。

題刁經臣山居時已應辟西幙

向不樂郡府。遂去歸田園。結廬復種菘。草樹日已繁。散帙理舊學。了然無俗喧。春雨一迴過。覽耕登古原。青山每自愛。霽色當衡門。故人苟來往。名宦未嘗言。趣適已不淺。道心良亦存。忽聞辟書至。便令驅犢羶。豈期同瓠瓜。長繫蒿萊根。始知古君子。出處惟義敦。

依韻和武平九月十五日夜北樓望太湖

東吳臨海若。看月上青冥。河漢微分練。星辰淡布螢。細煙沉遠水。重露裊空庭。孤坐饒清興。惟將影對形。

寄西京通判宋次道學士

當時交友都無幾。欲問歡娛亦異今。花接上林新木變。水分清洛舊池深。嗟峨嵩色雲常在。窈窕宮牆草又侵。脩竹千竿自家寺。昔年題處可能尋。

送余中舍知漢州德陽

匹馬易爲秣。單車長是輕。秋風來棧道。宿雨度關城。石上樹林暗。山根江水明。桐花鳳何似。歸日爲將行。

郭之美忽至云往河北謁歐陽永叔沈子山

春風無行迹。似與草木期。高低新萌芽。閉戶我未知。忽聞人扣門。手把蟠桃枝。問我此蟠桃。緣何結子遲。但笑不復答。問者當自推。振衣向河朔。河朔人偉期。以茲不答意。遲子北歸時。

樞澗晝夢

誰謂死無知。每出輒來夢。豈其憂在途。似亦會相送。初看不異昔。及寤始悲痛。人間轉面非。清魂歿猶共。

靈樹鋪夕夢

畫夢同坐偶。夕夢立我左。自置五色絲。色透縑囊過。意在
畱補綴。恐衣或綻破。及仍憂我身。使存心得墮。

夕發陽翟

我行陽翟道。暮雨原上急。麒麟冢相望。霹靂碑下立。農耕
傍山去。鬼火迸林入。莫問泉下人。馬噴衣更濕。

缺月

缺月來照屋角時。西家狗吠東家疑。夜深精靈鬼物動。僊
宰古莽無風吹。

會勝院沃洲亭

前溪來洲後溪濶。風吹細浪龍鱗。石。孤亭一入野氣淡。松
上藤蘿籬上葛。葛花葛蔓無斷時。夕蘿莫翦連古枝。當年
吾叔讀書處。夜夜濕螢來復去。

題松林院

靜邃無塵地。青熒續焰燈。木魚傳飯鼓。山衲見歸僧。野色
寒多霧。溪痕夜閣冰。吾非謝康樂。獨往亦何能。

讀月石并詩

余觀二人作詩論月石。月在天。石在山下。安得石上有
月蹟。至矣歐陽公。知不可詰。不竟述。欲使來者默自釋。蘇
子苦豪邁。何用強引犀角蚌蛤巧。擗析犀蛤動活有情想。
石無情想已非的。吾謂此石之蹟。雖似月。不能行天成。紀
曆曾無纖毫光。不若燈照夕。徒爲頑璞一片圓。溫潤又不
似圭璧。乃有桂樹獨扶疎。常娥玉兔了莫覓。無此等物。豈
可靈。祇以爲屏安足惜。吾嗟才薄不復詠。略評二詩。庶有
益。

齊國大長公主挽詞

賢行聞當世。尊隆異故常。每令夫結友。不為子求郎。夜月初沉海。姑星忽隕潢。臨門親祖祭。悲吹起修岡。

重過瓜步山

魏武敗志歸。孤軍處山頂。雖憐江上浦。鑿巖山巔升。豈是欲勞兵。防患在萌穎。我昔常登臨。徘徊愛晴景。片雨西北來。風雷變俄頃。疾行下危磴。屢脫不及整。霑濡入舟中。幼子喜抱頸。問我適何之。衣濕不太冷。昨暮泊其陽。月黑夜正永。鴈從沙際鳴。旅枕自耿耿。平明夾櫓去。廟樹聳寒嶺。舉首生白雲。飄搖水中影。

秋日村行

谿霧晝又收。山村夜初晦。飢禽來往飛。遠樹青紅碎。原上

楚牛童。屋頭吳婦碓。雞肥酒已熟。野老邀同輩。

真

杳杳鐘初發。昏昏戶閉時。巢禽投樹盡。疲馬入城遲。醉唱眠茅屋。燒光透槿籬。荷鋤休帶月。亭長豎毛眉。

直宿廣文舍下

前夜宿廣文。葉響竹打雪。昨夜宿廣文。窻影竹照月。賴此數竿竹。與我為煖熱。上有寒鵲棲。拳足如瘦蕨。平明欲飛去。喙喙若告說。我無喜可報。煩爾弄齧舌。亦嘗苦老鴉。鳴噪每切切。為學本為道。窮蹙令素髮。但能得酒飲。終日自兀兀。

送唐紫微知蘇臺

洞庭五月水生寒。盧橘楊梅已滿盤。秦伯廟前看走馬。闔

閻城下見驂鸞。吳娃結束迎新守。府吏趨鏘拜上官。曾過揚州能慣否。劉郎盞底勸須寬。

送鮮于祕丞侁通判黔州

壺頭山下俗。巴婦曲中聽。汲井熬鹽白。燒田種穀青。巖風來虎嘯。江雨過龍腥。事簡能談者。楊雄所草經。

